


碧巖錄

卷一二

25
^
1



宗門第一書

無邊風月眼中眼不盡乾坤燈外燈
圓悟碧巖集

神暗花明十萬戶敲門處處有父應言

達磨廓然不識
 趙別至道無難
 馬祖日面月面
 德山挾後藥也
 雪峯大地如粟
 雲門日分好日
 法眼汝足慧超
 翠岩眉毛在麼
 趙易來西南北
 唯別這棒虛預

黃蘗唯酒糟漢
 洞山答麻三斤
 巴陵銀梳裏雪
 雲門一代為教
 之門答倒一說
 鏡清是羊裡漢
 香林坐久成勞
 國師作無縫塔
 俱胝只豎一指
 龍牙禪板范園

至聖命脉列祖大機換骨靈方顯神妙
 術其惟

雪竇禪師具超宗越格正眼提掇正令
 不露風規秉烹佛煨祖鉗鎚頌出衲僧
 向上巴鼻銀山鐵壁孰敢鑽研蚊咬鐵
 牛難為下口不逢大匠焉悉玄微粵有
 佛果老人住碧巖日學者迷而請益老
 人愍以垂慈剔扶剏源剖析底理當陽

直指豈立見知百則公案從頭一串穿
來一隊老漢次第檢將按過須知趙壁
本無瑕額相如謗誑秦王至道實乎無
言宗師垂慈救弊儻如是見方知徹底
老婆其或泥句沉言未免滅佛種族薰
幸親 師席得聞未聞道友集成商編
鄙拙敘其本末時建炎戊申暮春晦日
叅學嗣祖比丘普照謹序

自四十二章經入中國始知有佛
自達磨至六祖傳衣始有言句
曰本末無一物為南宗白時二動
拂拭為此宗於是有禪宗頌古
行在其徒有翻案法呵佛罵祖
無所不為間有淨得吾詩家活
法者然以謂第一義為用言句

雪竇真國境之波心切大慧已一
炬丙之矣。燭中張煒明遠燃死
灰復板朽年所謂老波心切者
歟。大德甲午庚子甲月初八日
癸丑紫陽山方回萬里序



碧巖集者國悟大師之所述也。其大弟子大慧禪師乃
焚棄其書。世間種々法皆忌執著。釋子所歸敬莫如佛。
猶有時而罵之。蓋有我而無彼。由我而不由彼也。舍已
徇物必至於失已。夫心與道一道與萬物一。充滿太虛
何適而非道。第常人觀之。能見其所見而不見其所不
見。求之於人而人語之。如東坡日喻之說。往復推測愈
速。愈失自吾。夫子體道猶欲無言。而況佛氏為出世間
法。而可文字言語而求之哉。雖然亦有不可廢者。智者
少而愚者多。已學者少未學者多。大藏經五千餘卷。盡
為未來世設。苟可以忘言。釋迦老子便當閉口。何至如
是叨叨。天下之理固有不能尋常之中而超出於尋常

之教雖若易知而實未易知者不求之於人則終身不可得古者名世之人非千人之英則萬人之傑也太阿之多天下之利多也登山則裁犀象之水則刺蛟龍人之知之盡於是已然古人有善用之者棄城而戰順風而揮之三軍為之大敗流血滿乎千里是豈可以一已之所能而盡疑之哉自吾聞有是書求之甚至嶠中張氏始更初末素謀於予遂贊而成之且為題其首大德九年歲乙巳三月吉日王岑休居士取城周馳書於錢唐觀搗寓舍



或問碧巖集之成毀孰是乎曰皆是也齟齬來東單傳心印不立文字固也而血脉歸空諸論果誰為之哉古謂不在文字不離文字者真知言已使人人於卷簾聞板豎拍觸脚之際了却大事文字何有哉拈花微笑以來門竿倒却之後才涉言句非文字無以傳是又不可廢者也嘗謂祖教之書謂之公案者倡於唐而盛於宋其來尚矣二字乃世間法中吏牘語其用有三面譬功成行脚事了定槃之星難明野狐之趣易墮具眼為之勘辨一

呵一喝要見實詣如老吏據獄讞罪底裏悉見情
款不遺一也其次則嶺南初來西江未吸亡羊之
岐易泣拍海之針必南悲心為之接引一棒一痕
要令證悟如廷尉執法平反出人於死二也又其
次則犯稼憂深繫驢事重學奕之志須專染絲之
色易悲大善知識為之付囑俾之心死蒲團一動
一參如官府頒示條令令人讀律知法惡念才生
旋即寢滅三也具方冊作案底陳機境為格令與
世間所謂金科玉條清明對越諸書初何以異祖

形

師所以立為公案畱示叢林者意或取此柰何末
法以來求妙心於瘡紙付正法於口談點盡鬼神
猶不離薄傍人門戶任喚作郎劍去矣而舟猶刺
兔逸矣而株不移滿肚葛藤展問千轉其於生死
大事初無干涉鐘鳴漏盡將焉用之烏乎羚羊掛
角未可以冠述求而善學下惠者豈步亦步趨亦
趨哉知此則二老之心皆是矣圓悟頌子念孫之
心多故重拈雪竇頌大慧救焚拯溺之心多故立
毀碧巖集釋氏說一大藏經末後乃謂不曾說一

字豈欺我哉。圓悟之心釋氏說經之心也。大慧之心釋氏諱說之心也。禹稷顓子易地皆然。推之輓之主於車行而已。爾來二百餘年。嶠中張明遠復鏤梓以壽其傳。豈祖教回春乎。抑世故有數乎。然是書之行所關甚重。若見水即海。認拍作月。不特大慧憂之。而圓悟又將為之去粘解縛矣。昔人寫照之詩曰：分明紙上張公子。盡力高聲喚不應。欲觀此書先參此語。大德甲辰四月望三教老人書。

杭州北橋北街東嶠中張氏書隱印行

宗門第一書

圓悟碧巖集

碧巖集標的宗門真霧海之南針。夜途之北斗也。一炬之後。善刻不存。今多方尋訪。得成都大聖慈寺白馬院趙六師房真本。無邊風月眼中眼。不盡乾坤燈外燈。

○柳暗花明十萬戶。敲門處處有。○應言。

與江浙諸禪刹所藏本參攷無訛。敬繡梓以壽其傳。得於希有發於久秘。圓悟法了然目前。向上妙關頭。頭是道具。眼幸鑒。

佛果園悟禪師碧巖錄卷第一

師住澧州夾山靈泉禪院評唱

雪竇顯和尚頌古語要

垂示云隔山見煙早知是火隔牆見角便知是牛舉一
明三目機鉢兩是衲僧家尋常茶飯至於截斷衆流東
湧西沒逆順縱橫與奪自在正當恁麼時且道是什麼
人行履處看取雪竇葛藤

漏

舉梁武帝問達磨大師說這不唧啻漢如何是聖諦
第一義是甚緊驢橛磨云廓然無聖將謂多少奇特
箭過新羅可煞明白帝曰對朕者誰滿面慚惶恁惺
惺果然摸索不着磨云不識咄再來不直半文錢帝

不契。可惜許去較些子。達磨遂渡江至魏。這野狐精不免一場懺懺。從西過東。從東過西。帝後舉問志公。貧兒思舊債。傍人有眼。志公云。陛下還識此人否。和志公趕出國。始得好與三十棒。達磨來也。帝云。不識。却是武帝。承當得達磨公案。志公云。此是觀音大士傳佛心印。胡亂指注。臂膊不向外曲。帝悔。遂遣使去請。果然把不住。向道不啣。志公云。莫道陛下發使去取。東家人死。西家人助哀。也好。一時趕出國。闔國人去作亦不回。志公也好與三十棒。不知脚跟下放太光明。

達磨遙觀此土有太乘根器。遂泛海得得而來。單傳心

印。開示迷途。不立文字。直指人心。見性成佛。若恁麼見得。便有自由。分不隨一切語言。轉脫體現成。便能於後頭與武帝對譚。并二相安心。處自然見得。無計較。有塵一力截斷。洒洒落落。何必更分。是分非辨得。辨失雖然。恁麼能有幾人。武帝嘗披袈裟。自講放光般若經。感得天花亂墜。地變黃金。辨道奉佛。誥詔天下。起寺度僧。依教修行。人謂之佛心天子。達磨初見武帝。帝問。朕起寺度僧。有何功德。磨云。無功德。早是惡水驀頭澆。若透得這箇無功德話。許你親見達磨。且道起寺度僧爲什麼。都無功德。此意在什麼處。帝與婁約法師傳太士。明太子持論真俗。二諦據教中說。真諦以明非有俗諦以

明非無真俗不二即是聖諦第一義此是教家極妙窮
玄處帝便拈此極則處問達磨如何是聖諦第一義我磨
云廓然無聖天下衲僧跳不出達磨與他一刀截斷如
今人多少錯會却去弄精魂瞠着眼睛云廓然無聖且喜
沒交涉五祖先師嘗說只這廓然無聖若人透得歸家
穩坐一等是打葛藤不妨與他打破漆桶連磨就中奇
特所以道參得一句透千句萬句一時透自然坐得斷
把得定古人道粉骨碎身未足酬一句了然超百億連
磨劈頭與他一拶多少漏逗了也帝不省却以人我見
故再問對朕者誰達磨慈悲教又向道不識直得武
帝眼目定動不知落處是何言說到這裏有事無事拈

來即不堪端和尚有頌云一箭尋常落一鵬更加一箭
已相饒言歸少室峰前坐梁主休言更去招復云誰欲
招帝不契遂替出國這老漢只得慙慙渡江至魏時魏
孝明帝當位乃北人種族姓拓跋氏後來方名中國達
磨至彼亦不出見直過少林面壁九年接得二祖彼方
號爲壁觀婆羅門梁武帝後問志公公云陛下還識此
人否帝曰不識且道與達磨道底是同是別似則也似
是則不是人多錯會道前來達磨是若他禪後來武帝
是對他志公乃相識之識且得沒交涉當時志公恁麼
問且道作麼生祇對何不下一棒打殺免見捺胡武帝却
伏他款道不識志公見機而作便云此是觀音大士傳

佛心印帝悔遂遣使去取好不啻當特等他道此是
觀音大士傳佛心印亦好擯他出國猶較此字人傳志
公天監四年化去達磨普通八年方來自隔十餘年何
故知道同時相見此必是謬傳據傳中所載如今不論
這事只要知他大綱且道達磨是觀音志公是觀音問
那箇是端的底觀音既是觀音爲什麼却有兩箇何止
兩箇成群作隊時後魏光統律師菩提流支三藏與師
論議師互相指心而徧局之量自不堪任競起害心數
加毒藥至第六度化緣已畢傳法得人遂不復救端居
而逝報云能耳山定林寺後魏末雲秦禪師於茲遇師
手攜隻履而往武帝追憶自撰碑文云嗟夫見之不見

使

阿

滿大

逢之不逢遇之不遇今之古之然之恨之復讚云心有
也曠劫而求泥淪心無也刹那而成正覺且道達磨即
今在什麼處蹉過也不知
聖諦廓然箭過新羅噴何當辨的過也有什麼難辨
對朕者誰再來不直半文錢又恁麼去也還云不識
三四个个中也咄因茲暗渡江窮人鼻孔不得却被
別人穿蒼天蒼天好不太丈夫豈免生荆棘脚跟下
已深數丈闔國人追不再來兩重公案用追作麼在
什麼處太丈夫志氣何在千古萬古空相憶換手拋
曾望空啓告休相憶道什麼向鬼窟裏作活計清風
匝地有何極果然太小雪竇向草裏轉師顧視左右

卷妙

云這裏還有祖師麼你待審欵那猶作這去就自云
有場薩阿勞喚來與老僧洗脚更與三十棒趕出也
未爲分外作這去就猶較此子

且據雪竇頌此公案一似善舞太阿劍相似向虛空中
盤礴自然不犯鋒鏑若是無這般手段纔拈着便見傷
鋒犯手若是具眼者看他一拈一掇一撥一擻只用四
句指定一則公案大凡頌古只是繞路說禪拈古大綱
據欵結案而已雪竇與他一撥一擻頭便道聖諦廓然何
當辨的雪竇於他初句下着這一句不妨奇特且道畢
竟作麼生辨的直饒鐵眼銅睛也摸索不着到這裏以
情識小度得麼所以雪竇道一擊石火似閃電光這箇

些子不落心機意識情想等小開口堪作什麼計較生
時鷓鴣子過新羅雪竇道你天下衲僧何當辨的對朕者
誰着箇還云不識此是雪竇感然老婆重重爲人處且
道廓然與不識是一般兩般若是了底人分上不言而
論若是未了底人決定打作兩般諸方尋常皆道雪竇
重拈一徧殊不知四句頌盡公案了後爲慈悲之故須
出事跡因茲暗渡江豈免生荆棘達磨本來茲土與人
解黏去縛抽釘拔楔剷除荆棘因何却道生荆棘非止
當時諸人即今脚跟下已深數丈闔國人追不再來千
古萬古空相憶可煞不丈夫且道達磨在什麼處若見
達磨便見雪竇未後爲人處雪竇恐怕人逐情見所以

如轉關捩子。出自己見解。云休相憶。清風匝地。有何極。既休相憶。你脚跟下事。又作麼生。雪竇道。即今箇裏。匝地清風。天上天下。有何所極。雪竇拈拄。千古萬古之事。拋向面前。非止雪竇當時。有何極。你諸人分上。亦有何極。他又怕人執在這裏。再着方便。高聲云。這裏還有祖師麼。自云。有。雪竇到這裏。不妨爲人赤心片片。又自云。喚來與老僧洗脚。大煞減人威光。當時也好與本分手脚。且道雪竇意在什麼處。到這裏喚作驢。則是喚作馬。則是喚作祖師。則是如何。名馳往往。喚作雪竇。使祖師去也。且喜交涉。且道畢竟作麼生。只許老胡。知不許老胡會。

垂示云。乾坤空。日月星辰。一時黑。直饒棒如雨點。喝似雷奔也。未當得。向上宗乘。中事設使三世諸佛。只可自知。歷代祖師。全提不起。一大藏教。詮注不及。明眼衲僧。自救不了。到這裏作麼生。請益道箇佛字。拖泥帶水道箇禪字。滿面慚惶。久參上士。不待言之後。學初機。直須究取。

二舉趙州示衆云。這老漢作什麼。莫打這葛藤。至道無難。非難。非易。唯嫌揀擇。眼前是什麼。三祖猶在纔有。語言是揀擇。是明白。兩頭三面。少賣弄。魚行水濁。鳥飛落毛。老僧不在明白裏。賊身已露。這老漢向什麼處去。是汝還護惜也。無欺也。也有一箇半箇時。有僧

問既不在明白裏護惜箇什麼也。好與一撈舌掛上。
趙州云：我亦不知。撈殺這老漢，倒退三千僧云：和尚
既不知爲什麼，却道不在明白裏，看走向什麼處去。
逐教上樹去。州云：問事即得，禮拜了退，賴有這一着。
這老賊。

趙州和尚尋常舉此話頭，只是唯嫌揀擇。此是三祖信
心銘云：至道無難，唯嫌揀擇。但莫憎愛，洞然明白。纔有
是非，是揀擇。是明白，纔恁麼會，蹉過了也。較釘膠粘，堪
作何用。州云：是揀擇，是明白。如今參禪，問道不在揀擇
中，便坐在明白裏。老僧不在明白裏，汝等還護惜也無。
汝諸人既不在明白裏，且道趙州在什麼處爲什麼。却

教人護惜。五祖先師常說道：手來，必過你。你作麼生
會。且道作麼生，是垂手處。識取鉤頭意，莫認定盤星。這
僧出來，也不妨奇特。趙州空處，便去撈他。既不在明
白裏護惜箇什麼。趙州更不行棒行喝，只道：我亦不知。
若不是這老漢，被他撈着，往往忘前失後，賴是這老漢
有轉身自在處。所以如此。答他：如今禪和子問着，也道
我亦不知。不會爭奈，同途不同轍。這僧有奇特處，方始
會問。和尚既不知爲什麼，却道不在明白裏，更好一撈。
若是別人，往往分疏不下。趙州是作家，只向他道問事。
即待禮拜了，退。這僧依舊無柰。這老漢何只得飲氣吞
聲。此是大手宗師，不與你論玄論妙，論機論境。一向以

十分事接人所以道相罵饒你接補相罵饒你發水殊
不知這老漢平生不以棒喝接人只以平常言語只是
天下人不奈何蓋爲他平生無許多計較所以橫拈倒
用逆行順行得大自在如今人不理會得只管道趙州
不答話不爲人說殊不知當面蹉過

至道無難三重公案滿口含霜道什麼言端語端魚
行水濁土花八裂搽胡也一有多種分開好只一般
有什麼了期二無兩般何堪四五六七打葛藤作什
麼天際日上月下觀面相呈頭上漫漫脚下漫漫切
忌昂頭低頭檻前山深水寒一死更不再活還覺寒
毛卓豎麼觸體識盡喜何忘棺木裏瞠眼盧行者是

他同參枯木龍吟銷末歇咄枯木再生花達磨遊東
土難難邪法難扶倒一說這裏是什麼所在說難說
易揀擇明白君自看瞎將謂由別人賴值自看不干
山僧事

雪竇知佗落處所以如此頌至道無難便隨後道言端
語端舉一隅不以三隅反雪竇道一有多種二無兩般
似三隅反六你且道什麼處是言端語端處爲什麼一
却有多種二却無兩般若不具眼向什麼處摸索若透
得這兩句所以古人道打成一片依舊見山是山水是
水長是長短是短天是天地是地有時喚天作地有時
喚地作天有時喚山不是山喚水不是水畢竟怎生得

正德去風來樹動浪起船高春生夏長秋收冬藏一種
平懷泯然自盡則此四句頓頓絕了也雪竇有餘才所
以分開結裹算來也只是頭上安頭道至道無難言端
語端一有多種二無兩般雖無許多事天際日上時月
便下檻前山深時水便寒到這裏言也端語也端頭頭
是道物物全真豈不是心境俱忘打成一片處雪竇頭
上太孤峻生末後也漏洩不少若參得透見得徹自然
如醍醐上味相似若是情解未忘便見七花八裂決定
不能會如此說話觸體識盡喜何立枯木龍吟銷未乾
只這便是交加處這僧怎麼問趙州怎麼答州云至道
無難唯嫌揀擇纔有語言是揀擇是明白老僧不在明

休

花果

白裏是汝還護惜也無時有僧便問既不在明白裏又
護惜箇什麼洲云我亦不知僧云和尚既不知爲什麼
却道不在明白裏洲云問事即得禮拜了退此是古人
問道底公案雪竇拽來一串穿却用頌至道無難唯嫌
揀擇如今人不曾古人意只管咬言嚼句有甚了期若
是通方作者始能辨得這般說話不見僧問香嚴如何
是道嚴云枯木裏龍吟僧云如何是道中入嚴云觸體
裏眼睛僧後問石霜如何是枯木裏龍吟霜云猶帶喜
在如何是觸體裏眼睛霜云猶帶識在僧又問曹山如
何是枯木裏龍吟山云血脈不斷如何是觸體裏眼睛
山云乾木盡什麼人想聞山云盡大地未有一箇不聞

字人不曾

偈云未審龍吟是何意。向山云不知是何意。向問者皆
應復有頌云枯木龍吟真見道。觸體無識眼初明。毒識
盡時消息盡。當人那辨濁中清。雪竇可謂大有手脚。一
時與你交加。頌出然雖如是。都無兩般。雪竇未後有爲
人處。更道難難。只這難難也。須透過始得。何故。百丈道
一切語言。山河大地。一一轉歸自己。雪竇凡是一拈一
撥。到末後。須歸自己。且道什麼處。是雪竇爲人處。揀擇
明白。君自看。既是打著膝頌了。因何却道君自看好。彩
教。你自看。且道意落。在什麼處。莫道諸人理會不得。設
使山僧到這裏也。只是理會不得。

垂示云。一機一境。一言一句。且圖有箇入處。好肉上刺。

瘡成。巢成。窟大。用現前。不存軌則。且圖知有向上事。蓋
天蓋地。又摸索不着。恁麼也得。不恁麼也得。太廉纖。生
恁麼也。不得。不恁麼也。不得。太孤危。生不涉。二塗。如何
即是。請試舉看。

○舉馬大師不安。這漢漏逗不少。帶累別人去也。院主
問和尚。近日尊候如何。四百四病。一時發。三日後不
送。亡僧是好手。仁義道中。大師云。日面佛。月面佛。可
煞新鮮。養子之緣。

馬大師不安。院主問和尚。近日尊候如何。大師云。日面
佛。月面佛。祖師若不以本分事。相見如何。得此道光輝。
此箇公案。若知落處。便獨步丹霄。若不知落處。徃徃枯

木出前差路去在若是本分人到這裏須是有驅耕夫
之牛奪飢人之食底手脚方見馬大師爲人處如許多
有人道馬大師接院主且喜沒交涉如今衆中多錯會
瞠眼云在這裏左眼是日面右眼是月面有什麼交涉
驢年未夢見在只管蹉過古人事只如馬大師如此道
意在什麼處有底云點平胃散玉盞來有什麼巴鼻到
這裏作麼生得平穩去所以道向上一路千聖不傳學
者勞形如猿捉影只這日面佛月面佛極是難見雪竇
到此亦是難領却爲他見得透用盡平生工夫指注他
諸人要見雪竇麼看取下文

日面佛月面佛開口見膽如兩面鏡相照於中無邊

像五帝三皇是何物太高生莫謾他好可貴可賤二
十年來曾苦辛自是你落草不干山僧事啞子喫苦
瓜爲君幾下蒼龍窟何消恁麼莫錯用心好也莫道
無奇特屈愁殺人愁人莫向愁人說其移向阿誰說
說與愁人愁殺人明眼衲僧莫輕忽更須子細咄倒
退三千

神宗在位時自謂此頌諷國所以不肯入藏雪竇先拈
云日面佛月面佛一拈了却云五帝三皇是何物且道
他意作麼生適來已說了也直下注他所以道垂釣四
海只釣得龍只此一句已了後面雪竇自頌他平生所
以用心參尋二十年來曾苦辛爲君幾下蒼龍窟以箇

什麼一似人入蒼龍窟裏取珠相似後來打破漆桶將
謂多少奇特元來只消得箇五帝三皇是何物且道雪
竇語落在什麼處須是自家退步看方始見得他落處
豈不見與陽部侍者答遠錄公問安竭出海龍窟震觀
面相呈事若何剖云金翅鳥王當宇宙箇中誰是出頭
人遠云忽遇出頭又作麼生剖云似鷄狀鳩君不信觸
體前驗始知親遠云恁麼則屈節當曾退身三步剖云
須彌脚下烏龜立更待臨時點額回所以三皇五帝亦
是何物人多不見雪竇意只管道謾國若恁麼會只是
情見此乃禪月題公子行云錦衣鮮華手擎龍閑行氣
貌多輕忽稼穡艱難總不知五帝三皇是何物雪竇道

座

乾坤

在堪迷明眼衲僧莫輕忽多少人向蒼龍窟裏作活計
直饒是頂門具眼肘後有符明眼衲僧照破四天下到
這裏也莫輕忽須是子細始得

垂示云青大白日不可更指東畫西時節因緣亦須應
病與藥且道放行好把定好試舉者

四舉德山到為山擔板漢野狐精挾纓子於法呈上不

知令人疑着衲敗缺從東過西從西過東可煞有禪
作什麼顧視云無無便出好與三十棒可煞氣衝天

真師子兒善師子吼雪竇著語云勘破了也錯果然

無德山至明首却云也不得草草放去收來頭上太
高生未後太低生知過必改能有幾人便具威儀再

入相見後前作這去就已是第二重敗缺鴻山坐
次冷眼看這者漢拈虎鬚也須是這般人始得德山
提起坐具云和尚改頭換面無風起浪鴻山擬取拂
子須是那漢始得運籌帷幄之中不妨坐勘天下人
舌頭德山便喝拂袖而出野狐精見解這一着也有
權也有實也有照也有用一等是擎雲攫霧者就中
奇特雪竇看語云勘破了也錯果然點德山昔却法
堂看草鞋便行風光可愛公案未圓贏得頭上頭失
却脚下鞋已是喪身失命了也鴻山至晚問首座適
來新到在什麼處東邊落節西邊拔本眼觀東南意
在西北首座云當時皆却法堂看草鞋出去也靈龜

老

曳尾好與三十棒這般漢腦後合與多少鴻山云此
子已後向孤峰頂上盤結草庵呵佛罵祖去在賊過
後張弓天下衲僧跳不出雪竇看語云雪上加霜錯
果然點

來山下三箇點字諸人還會既有特將一莖草作文六
金身用有時將丈六金身作一莖草用德山本是講僧
在西蜀講金剛經因教中道金剛喻定後得智中千劫
學佛威儀萬劫學佛細行然後成佛他南方魔子便說
即心是佛遂發憤搭跣行脚直往南方破這魔子輩
者他恁麼發憤也是箇猛利底漢初到豐州路上見一
婆子賣油糴遂放下跣跣且買點心與婆云所載者是

什麼德山云金剛經疏鈔婆云我有一問你若答得布
施由機作點心若答不得別處買去德山云但問婆云
金剛經云過去心不可得現在心不可得未來心不可
得上座欲點那箇心山無語婆遂指令去衆龍潭婆
門便問久聞龍潭及平到來潭又不見龍又不現龍潭
和尚於屏風後引身云子親到龍潭師乃設禮而退至
夜間入室侍立更深潭云何不下去山遂移車揭簾而
出見外面黑却回云門外黑潭遂點紙燭度與山山方
接潭便吹滅山豁然大悟便禮拜潭云子見箇什麼便
禮拜山云某甲自今後更不疑着天下老和尚石頭至
來日潭上堂云河中有箇漢牙如劍齒口似吹笛一棒

打不回頭他時果日向孤峰頂上立吾道去在山遂取
疏鈔於法堂前將火炬舉起云窮諸空持若一毫置於
太虛竭世樞機侶一滴投於巨壑遂燒之後聞鴻山盛
化直造鴻山便作家相見包亦不解直上法堂從東過
西從西過東顧視云無無便出且道意作麼生莫是顛
麼人多錯會用作建立直是無交涉看他恁麼不妨奇
特所以道出群須是英靈漢敵聖還他師子兒選佛若
無如是眼假饒千載又奚爲到這裏須是通方作者方
始見得何故佛法無許多事那裏著得情見來是他心
機那裏有如許多阿勞所以玄沙道直似秋潭只影靜
夜鐘聲隨扣擊以無虧觸波瀾而不敢猶是生死岸頭

事到這裏亦無得失是非亦無奇特玄妙既無奇特玄妙作麼生會他從東過西從西過東且道意作麼生鴻山老漢也不管他若不是鴻山也被他扭挫一下看他鴻山老作家相見只管坐觀成敗若不深辯來風爭能如此雪竇著語云勘破了也一偈鐵樹相似衆中謂之著語雖然在兩邊却不任在兩邊作麼生會他道勘破了也什麼處是勘破處且道勘破德山勘破鴻山德山遂出到門首却要拔本自云也不得草草要與鴻山拔出五臟心肝法戰一場再具威儀却回相見鴻山坐次德山提起坐具云和尚鴻山擬取拂子德山便喝拂袖而出可煞奇特衆中多道鴻山怕他也有甚交涉鴻山亦

不忙所以道智過於禽獲得禽智過於獸獲得獸智過於人獲得人智得這般禪盡大地森羅萬象天堂地獄草芥金畜下時作一喝來他亦不管掀倒禪床喝散大衆他亦不顧如天之高似地之厚鴻山若無坐斷天下人舌頭底手脚時驗他也大難若不是他一千五百人善知識到這裏也分疎不下鴻山是運籌帷幄決勝千里德山皆却法堂著草鞋便出去且道他意作麼生你道德山是勝是負鴻山是勝是負雪竇著語云勘破了也是他下工夫見透古人聲訛極則處方能悟透不妨奇特說雪竇著語兩箇勘破作三段判方顯此公案似傍人斷二人相似後來這老漢緩緩地云晚方

問首座通來新到在什麼處首座云當時却於法堂著
草鞋出去也鴻山云此子已後向孤峯頂上盤結草庵
呵佛罵祖去在且道他意旨如何鴻山老漢不是好心
德山後來呵佛罵祖打風打雨依舊不出他窠窟被這
老漢見透平生伎倆到這裏喚作鴻山與他受記得麼
喚作澤廣藏山理能伏豹得麼若恁麼且喜沒交涉雪
竇知此公案落處敢與他辨更道雪上加霜又重拈起
來教人見若見得去許你與鴻山德山雪竇同參若也
不見切忌忘安生情解

一勘破言猶在耳過二勘破兩重公案雪上加霜曾
發墮三段不同在什麼處飛騎將軍入虜庭發敗軍

之將無勞再斬滾身失命再得完全能幾箇死中得
活急走過傍若無人三十六策盡你神通堪作何用
不放過理能伏豹穿却鼻孔孤峰頂上草裏坐果然
穿過鼻孔也未為奇特為什麼却在草裏坐出會麼
用力相傷兩兩三三舊路行唱拍相隨便打

雪竇頌一古則公案一則則焚香拈出所以大行於世
他更會文章透得公案盤礴得孰方可下筆何故如此
龍蛇易辨衲子難瞞雪竇又透這公案於節角熬訛處
著三句語撮來頌出雪上加霜幾平險墮只如德山似
什麼一似李廣天性善射天子封為飛騎將軍深入虜
庭被車千生獲廣時傷病置廣兩馬閒絡而盛即廣遂

詐死。觀其傍有一胡兒騎善馬。廣騰身。上馬。推騎。胡兒奪其弓矢。鞭馬南馳。響弓射退追騎。以故得脫。這漢有這般手段。死中得活。靈寶引在頌中。用此德山。再入相見。依舊被他跳得出去。看他古人見到。說到行到。用不到。不妨。英靈有殺。又不眨眼。底手脚方可立地成佛。有立地成佛底人。自然殺。又不眨眼。方有自由自在。如今人有底。問着頭上。一似衲僧。氣緊。輕輕拶着。便腰做段。股做截。七支八離。渾無此子。相續處。所以古人道。相續也大難看。他德山。為山如此。豈是滅滅。擊擊底。見解。再得完全。能幾箇。急走過德山。喝便出去。一似李廣被捉。後設計。一箭射殺一箇番將。得出虜庭。相似靈寶。領到

此大有工夫。德山背却法堂。著草鞋出去。道得便宜。殊不知這老漢依舊不放他出頭。在靈寶道不放過。為山至晚間。問首座。適來新到在什麼處。首座云。當時背却法堂。著草鞋出去也。為山云。此子他日向孤峰頂上盤結草庵。呵佛罵祖去在。幾曾放過來。不妨奇特。到這裏。靈寶為什麼道。孤峰頂上草裏坐。又下一喝。且道落在什麼處。更參三十年。

垂示云。大凡扶堅宗教。須是英靈底。漢有殺。又不眨眼。底手脚方可立地成佛。所以照用同時。卷舒齊唱。理事不一。權實並行。放過一著。建立第二義門。直下截斷。響藤後學。初機難為湊泊。昨日恁麼事。不獲已。今日又恁

麼罪過彌天若是明眼漢一點謾他不得其或至然虎口裏橫身不免喪身失命試舉看

舉雪峰示眾云一盲引眾盲不為分外盡大地撮來如粟米粒大是什麼手段山僧從來不弄鬼眼睛地向前只恐拋不下有什麼伎倆滾桶不會倚勢欺人自領出去莫謾大眾好打鼓普請者瞻打鼓為三

事

長慶問雲門雪峰與麼道還有出頭不得麼門云有慶云作麼生門云不可總作野狐精見解雲峰云匹上不足匹下有餘我更與你打葛藤拈拄杖云還見雪峰麼咄王令稱嚴不許打葛藤行市大渴語云我更與你諸

雪

人土上加泥拈拄杖云看看雪峰向諸人面前放屎出為什麼屎臭也不知雪峰示眾云盡大地撮來如粟米粒太古人接物利生有奇特處只是不妨辛勤三上投子九到洞山置漆桶木杓到處作飯頭也只為透脫此事及至洞山作飯頭一日洞山問雪峰作什麼峰云淘米山云淘沙去米淘米去沙峰云沙米工齊去山云大衆喫箇什麼峰便覆盆山云子緣在德山指令見之纔到便問從上宗乘中事學人還有分也無德山打一棒云道什麼因此有省後在鰲山問雪謂眾頭云我當時在德山棒下如桶底脫相似眾頭喝云你不見道從門入者不是家珍須是自己曾中流出蓋天蓋地之有少

分相應。雪峰忽然大悟禮拜云。師兄今日始是教魚山成。
道如今人只管道古人特地做作。教後人依規矩。若恁
麼正是謗他古人。謂之出佛身血。古人不似如今人。苟
且豈以一言半句。以當平生。若扶堅宗。教續佛壽。即所
以吐一言半句。自然坐斷天下人舌頭。無你着意路。作
情解。涉道理。處看他此箇示衆。蓋爲他曾見作家來。所
以有作家錐錐。凡出一言半句。不是心機意識思量鬼
窟裏作活計。直是超群拔衆。坐斷古今。不容擬議。他家
用處盡是如此。一日示衆云。南山有一條鱉鼻蛇。汝等
諸人切須好者。取時稜道者。出衆云。恁麼則今日堂中
大有喪身失命去在。又云。盡大地是沙門。一隻眼汝

湖

等諸人向什麼處。看又云。望州亭與汝相見了也。烏石
嶺與汝相見了也。僧堂前與汝相見了也。時有僧出便
問。僧堂前。即且置。如何是望州亭。烏石嶺。相見處。雪峰
驟步歸方丈。他常舉這般話。示衆只如道。盡大地撮來
如粟米粒大。這箇時節。且道以情識。以度得麼。須是打
破羅籠得失是非。一時放下。洒洒落落。自然透得他圈。
續方見他。用處且道。雪峰意在什麼處。人多作情解。道
心是萬法之主。盡大地一時在我手裏。且喜沒交涉。到
這裏須是箇真實漢。聞與著徹骨徹髓。見得透。且不
落情思意想。若是箇本色行脚衲子。見他恁麼。已是郎
當爲人了也。看他雪竇頌云。

琅璫

惟獨問
湖

牛頭沒閃電相似，蹉過了也。馬頭回如擊石火，曹溪鏡裏絕塵埃，打破鏡來與你相見，須是打破始得打。鼓看來君不見，刺破你眼睛，莫輕易好。漆桶有什麼難見處？百花春至爲誰開？法不相饒，一場狼籍，葛藤窟裏出頭來。

雪竇自然見他古人，只消去他命脉上一剗，與他頌出牛頭沒馬頭回，且道說箇什麼？見得透底，如早朝喫粥，齊時喫飯，相似只是尋常。雪竇慈悲，當頭一鎚，擊碎一句，截斷只是不妨孤峻。如擊石火，閃電光，不露鋒銚，無你湊泊處。且道向意根下摸索得麼？此兩句一時道盡了也。雪竇第三句却通一線道，略露此風，規正是落

草第四句直下，更是落草。若向言上生言，句上生句，意上生意，作解作會，不唯帶累老僧，亦乃辜負雪竇古人句。雖如此意，不如此終不作道理。繫縛人曹溪鏡裏絕塵埃，多少人道靜心便是鏡，且喜沒交涉，只管作計較道理有什麼了期？這箇是本分說話，山僧不敢不依本分。牛頭沒馬頭回，雪竇分明說了也。自是人不見，所以雪竇如此，即當頌道：打鼓看來君不見，癡人還見麼？更向你道：百花春至爲誰開，可謂豁開片牖與你。一時八字打開了也。及乎春來幽谷野澗，乃至無人處，百花競發，你且道更爲誰開？

舉雲明垂語云：十五日已前，不問汝半河南，半河北。

這裏不收舊曆日十五日已後道將一句來不免從朝至暮切忌道着來日是十六日月如流自代云日日是好日收鰕跳不出手誰家無明月清風還知麼海神知費不知價

雲門初參睦州州旋機電轉直是難湊泊尋常接之纔露門便擗住云道道擬議不來便推出云秦時轆轤鑽雲門凡去見至第三面纔敲門云誰門云文偃纔開門便跳入州擗住云道道門擬議便被推出門一足在門內被州急合兩拶折雲門脚門忍痛負聲忽然大悟後來語脉接入一摸脫出睦州後於陳操尚書宅住三年睦州指往雪峰處去至彼出眾便問如何是佛峰

云莫寐語雲門便禮拜下住三年雪峰一日問子見處如何門云某甲見處與從上諸聖不移易一絲毫許靈樹二十年不請首座常云我首座生也又云我首座牧牛也復云我首座行脚也忽一日令撞鐘三門前接首座眾皆訝之雲門果至便請入首座寮解包靈樹入號曰知聖禪師過去未來事皆預知一日廣主劉王將與兵躬入院請師決臧否靈樹已先知怡然坐化廣主怒曰和尚何時得疾侍者對曰師不曾有疾適封一合子令侯王來呈之廣主開合得下帖子云公天眼自堂中首座廣主悟旨遂寢兵請雲門出世住靈樹後來方住雲門師開堂說法有勸常侍致問靈樹果子熟也未門

云什麼年中得信道。復引劉王昔爲賣香客等因緣。
劉王後謚靈樹爲知聖禪師。靈樹生生不失通。雲門凡
三生爲主。所以失通。一日劉王詔師入內。問其數人
尊宿皆受內人問訊說法。唯師一人不言。亦無人親近。
有一直殿使書下。揭貼在碧玉殿上。云太智修行始是
禪。禪門宜默。不宜喧。萬般巧說爭如實。輸却雲門總不
言。雲門尋常愛說三字禪。顧鑒夷又說一字禪。僧問殺
父殺母佛前懺悔。殺佛殺祖向什麼處懺悔。門云露。
又問如何是正法眼藏。門云普。直是不容擬議。到平鋪處
又却罵人。若下一句語如鐵橛子相似。後出四指。乃洞
山初智開。寬德山圓香林遠皆爲大宗師。香林十八年

蜜

爲待者。凡接他只叫遠侍者。遠云喏。門云是什麼如此。
十八年。一日方悟。門云我今後更不叫汝。雲門尋常接
人多用睦州手段。只是難爲湊泊。有抽釘拔楔底。錯錯
雪竇道我愛韶陽新定機。一生與人抽釘拔楔。垂箇問
頭示衆云。十五日已前不問汝。十五日已後道將一句
來。坐斷千差。不通凡聖。自代云。日日是好日。十五日已
前這語已坐斷千差。十五日已後這語也坐斷千差。是
他不道。明日是十六。後人只管隨語生解。有什麼交涉。
他雲門立箇宗風。須是有箇爲人處。垂語了。自代云。
日日是好日。此語通貫古今。從前至後。下時坐斷。山僧
如此說話。也是隨語生解。他殺不如自殺。纔作道理。墮

坑落斷雲門一句中三句俱備蓋是他家宗旨如此盡
一句語須要歸宗若不如只是杜撰此事無許多論
說而未透者却要如此若透得便見古人意旨讀雪
竇打葛藤

去却一七穿个穴向什麼處去放過一着拈得七指
不出却不放過上下四維無等匹何似生上是天下
是地東南西北與四維有什麼等匹爭奈拄杖在我
手裏徐行踏斷流水聲暮間脚跟下難為體究打入
葛藤窟裏去了也縱觀寫出飛禽跡眼裏亦無此消
息野狐精見解依前只在舊窠窠裏草茸茸腦後拔
箭是什麼消息隨在平實處煙籠罩未出這窠窠是

下雲生空生巖畔花狼籍在什麼處不唧溜漢勘破
了也彈指堪悲舜若多四方八面盡法界向舜若多
鼻孔裏道將一句來在什麼處莫動着前言何在動
着時如何動着三十棒自領出去便打

雪竇頌古偏能如此當頭以金剛王寶劍揮下下了然
復略露此風規雖然如此畢竟無有一解去却一拈得
七人多作筆數會道去却一是十五日已前事雪竇驀
頭下兩句言語印破了却露出教人見去却一拈得七
切忌向三句中作活計何故胡餅有什麼汁人多落在
意識中須是向語句末生已前會取始得大用現前自
然見得也所以釋迦老子成道後於摩竭提國三十七日

中思惟如是事諸法寂滅相不可以言宣我寧不說法
疾入於涅槃到這裏箇開口處不得以方便故爲
五比丘說已至三百六十會說一代時教只爲便所
以脫玲御服着弊垢衣不得已而向第二義門中淺近
之趣誘引諸子若教他向上全提盡大地無一箇半箇
且道作麼生是第一句到這裏雪竇露此意教人見你
但上不見有諸佛下不見有衆生外不見有山河大地
內不見有見聞覺知如大死底人却活相似長短好惡
打成一片一拈來更無異見然後應用不失其宜方
見他道去却一拈得七上下四維無等匹若於此句透
得直得上下四維無有等匹林羅萬象草芥人畜着着

全彰自己家風所以道萬象之中獨露身惟人自肯乃
方親昔年謬向途中見今日看來火裏冰天上天下惟
我獨尊人多逐末不求其本先得本正自然風行草偃
水到渠成徐行踏斷流水聲徐徐行動時浩浩流水聲
也應踏斷縱觀寫出飛禽跡縱目一觀直饒是飛禽跡
亦如寫出相似到這裏鑊湯爐炭吹教滅劍樹刀山喝
便摧不爲難事雪竇到此慈悲之故恐人坐在無事界
中復道草茸茸煙幕幕所以苦覆却直得草茸茸煙幕
幕且道是什麼人境界喚作日日是好日得否且喜沒
交涉直得徐行踏斷流水聲也不是縱觀寫出飛禽跡
也不是草茸茸也不是煙幕幕也不是直饒總不焦麼

正是生生巖畔花狼籍也須是轉過那邊始得豈不見
須菩提巖中宴坐諸人兩花讚嘆尊者曰空中花讚
嘆復是何人天曰我是天帝釋尊者曰汝可問天曰
我重尊者善說般若波羅蜜多尊者曰我於般若未嘗
說一字汝云何讚歎天曰尊者無說我乃無聞無說無
聞是真般若又復動地雨花雪寶亦曾有頌云雨過雲
凝曉半開數峰如畫碧崔嵬空生不解巖中坐惹得天
花動地來天帝既動地雨花到這裏更藏去那裏雪寶
又道我恐迷之迷不得大方之外皆充塞忙忙擾擾知
何窮八面清風惹衣袂直得淨裸裸赤洒洒都無纖毫
過患也未爲極則且畢竟如何即是看取下文云彈指

堪悲癡者多梵語癡者多此云虛空神以虛空爲體無
身覺觸得佛光照方現得身你若得妙舜若多神時雪
寶正好彈指悲歎又云莫動者動者時如何白曰青天
開眼瞌睡

垂示云聲前一句千聖不傳未曾親觀如隔大千設便
向聲前辨得截斷天下人舌頭亦未是性燥漢所以道
天不能蓋地不能載虛空不能容日月不能照無佛處
獨稱尊始較此字其或未然於一七毛頭上透得放大光
明七縱八橫於法自在自由信手拈來無有碍且道
得箇什麼如此奇特後云太衆會麼從前汗血無人識
只要重論蓋代功即今事且致雪寶案案又作麻生看

取下文

七舉僧問法眼道什麼樞機過狀慧超答和尚如何是佛道什麼眼睛突出法眼云汝是慧超依理說出鍊

法眼禪師有啐啄同時底機具啐啄同時底用方能如此答話所謂超聲越色得大自在縱奪臨時殺活在我不妨奇特然而此箇公案諸方商量者多作情解會者不少不知古人凡垂示一言半句如擊石火似閃電光直下撥開一條正路後人只管去言句上作解會道慧超便是佛所以法眼恁麼答有者道大似騎牛覓牛有者道問處便是有什麼交涉若恁麼會去不惟辜負首

已亦乃深屈古人若要見他全機除非是一棒打不回頭底漢牙如劍樹口似血盆向言外知歸方有少分相應若一二作情解盡大地是滅胡種族底漢只如超禪客於此悟去也是他尋常管帶參究所以王言之下如桶底脫相似只如則監院在法眼會中也不曾參請入室一白法眼問云則監院何不來入室則云和尚豈不知某甲於青林處有箇入頭法眼云汝試爲我舉看則云某甲問如何是佛林云丙子童丁來求火法眼云好語恐你錯會可更說看則云丙子屬火以火求火如某甲是佛更去覓佛法眼云監院果然錯會了也則不覺便起單渡江去法眼云此人若回可救若不回救不得

也則到中路自忖云他是五百人善知識豈可棄我耶
遂回再參法眼云你但問我我爲你答則便問如何是
佛法眼云丙丁童子來求火則於言下大悟如人有者
只管瞠眼作解會所謂彼既無癩病也這般公案
參者一舉便知落處法眼下謂之箭鋒相拄更不用
五位君臣四料簡直論箭鋒相拄是他家風如此丁句
下便見當陽便透若向句下尋思卒摸索不着法眼出
世有五百衆是時佛法大興時韶國師久依疎山自謂
得旨乃集疎山平生文字頂相領衆行脚至法眼會下
他亦不去入室只於參徒隨衆入室一日法眼陞座有
僧問如何是曹源一滴水法眼云是曹源一滴水其僧

惘然而退韶在衆聞之忽然大悟後出世承嗣法眼有
頌呈云通玄峯頂不是人間心外無法滿目青山法眼
印云只這一頌可繼吾宗子後有王侯敬重吾不如汝
看他古人恁麼悟去是什麼道理不可只教山僧說須
是自己二六時中打辦精神似恁麼與他承當他日向
十字街頭垂手爲人也不爲難事所以僧問法眼如何
是佛法眼云汝是慧超有其相辜負處不見雲雨道興
不顧即差互擬思量何劫悟雪竇後山頌得不妨顯赫
試舉看

江國春風吹不起盡大地那裏得這消息
鷓鴣啼在深花裏喃喃何用又被風吹別調中豈有

恁麼事三級浪高魚化龍通這一路莫謾大眾好踏
着龍頭癡人猶守夜塘水拈龍樓壁接門傍入衲僧
有什麼用處守待待

雪竇是作家於古人難咬難嚼難見節角諸訛處
頌出教人見不妨奇特雪竇識得法眼閑挨子又知慧
超落處更恐後人向法眼言句下錯作解會所以頌出
這僧如此問法眼如是答便是江國春風吹不起鷓鴣
啼在深花裏此兩句只是一句且道雪竇意在什麼處
江西江南多作兩般解會道江國春風吹不起用頌汝
是慧超只這箇消息直饒江國春風也吹不起鷓鴣啼
在深花裏用頌諸方商量這話浩浩地似鷓鴣啼在深

花裏相似有什麼交涉殊不知雪竇這兩句只是一句
要得無縫無罅明明向汝道言也端語也端蓋天蓋地
他問如何是佛法眼云汝是慧超雪竇道江國春風吹
不起鷓鴣啼在深花裏向這裏薦得去可以丹霄獨步
你若作情解三生六十劫雪竇第三第四句或煞傷慈
爲人一時說破超禪師當下大悟處如三級浪高魚化
龍癡人猶守夜塘水禹門三級浪孟津即是龍門禹帝
鑿爲三級今三月三桃花開時天九有感有魚透得龍
門頭上生角昂鬚鬚鬚雲而去跳不得者客而回
癡人向言下咬嚼似守夜塘之水求魚相似殊不知魚
已化爲龍也端師翁有頌云一文太光錢買得箇油糍糍

契向肚裏了。當下不聞。此項極好。只是太拙。雪竇頌
得極巧。不傷鋒。犯手。舊時慶藏生愛問人。如何是三級
浪高。魚化龍。我也不必在我。且問你。化作龍去。即今在
什麼處。

垂示云。會則途中受用。如龍得水。似虎登山。不會則世
諦流布。羝羊觸藩。守株待兔。有時一句。如踞地獅子。有
時一句。如金剛王寶劍。有時一句。坐斷天下人舌頭。有
時一句。隨波逐浪。若也途中受用。遇知音。別機宜。識休
咎。相共證明。若也世諦流布。具一隻眼。可以坐斷十方
壁立千仞。所以道。大用現前。不存軌則。有時將一草草
作文六金身。用有時將丈六金身作一草草。用且道。憑

箇什麼道理。還委麼。麼試舉看。

八舉翠出夏末。示眾云。一夏以來。為兄弟說話。開口罵

知恁麼。看翠品。眉毛在麼。只贏得眼睛也。落地和鼻

孔也。失了。入地獄。如箭射。保福云。作賊人心虛。灼然

是賊。識賊。長慶云。生也。舌頭落地。將錯就錯。果然雲

門云。閑走在什麼處。去。天下衲僧。跳不出。敗也。

古人有晨參暮請。翠品至夏末。却恁麼。示眾。然而不妨
孤峻。不妨驚天動地。且道。一大藏教。一千四百八卷。不
免說心說性。說頓說漸。還有這箇消息麼。一等是恁麼
時節。翠品就中奇特。看他恁麼道。且道。他意落在什麼
處。古人垂一釣。終不虛設。須是有箇道理。為人多錯。

會道白曰青天說無尚當話無事生事夏末先自說過
先自點檢說得別人點檢他且喜沒交涉這般見解謂
之滅胡種族歷代宗師出世若不垂示於人都無利益
圖箇什麼到這裏見得透方知古人驅耕夫之牛奪
飢人之食手段如今人問着便向言句下咬嚼眉毛
作活計者他屋裏人自然知他行履處千變萬化節角
聲訛着着有出身之路便能如此與他酬唱此語若無
奇特雲雨保福長慶三人咂咂地與他酬唱作什麼保
福云作賊人心虛只因此語惹得適來說許多情解且
道保福意作麼生切忌向句下見他古人你若生情起
念則換你眼睛殊不知保福下一轉語截斷羣虫脚跟

長慶云生也人多道長慶隨羣虫脚跟轉所以道生也
且得沒交涉不知長慶自出他見解道生也各有出身
更我且問你是什麼處是生處一似作家面前金剛王
寶劍直下使用若能打破常流見解截斷得失是非方
見長慶與他酬唱處雲雨云閑不妨奇特只是難參雲
門大師多以一字禪示人雖一字中涵具三句者他古
人臨機酬唱自然與今時人向別此乃下句底樣子也
雖如此道意決不在那裏既不在那裏且道在什麼處
也須子細自參始得若是明眼人有照天照地底手脚
直下八面玲瓏雪竇爲他一箇閑字和他二箇穿作一
串領出

翠蟲示徒 這老賊教壞人家男女子古無對千箇萬
箇也有一箇半箇分一節閑字相酬不信道不妨奇
特若是恁麼人方解恁麼道失錢遭罪飲氣吞聲雪
竇也不少和聲便打潦倒保福且這伴猶作這去
就兩箇三箇抑揚難得放行把住誰是同生同死豈
謗他好且喜沒交涉勞翠蟲這野狐精合取口好
分明是賊道着也不妨抵敗了也白圭無玷還辨得
麼天下人不知價誰辨真假多只是假中僧從來無
眼碧眼胡僧長慶相識是精識精須是他始得未得
一半在眉毛半也在什麼處從頂門上至脚跟下一
莖草也無

雪竇若不恁麼慈悲領出今人見爭得名善知識古人
如此一一皆是事不獲已蓋為後學著他言句轉生情
解所以不見古人意昔如今忽有箇出來掀倒禪床踢
散大眾恁他不得雖然如此也須實到這田地始得雪
竇道千古無對他只道看翠蟲眉毛在麼有什麼奇特
處便乃千古無對須知古人吐一言半句出來不是造
次須是有定乾坤底眼始得雪竇著一言半句如金剛
王寶劒如踞地獅子如擊石火閃電光若不是頂上
具眼爭能見他古人落處這箇示眾直得千古無對過
於德山棒臨濟喝且道雪竇為之意在什麼處你且作
麼生會他道千古無對閑字相酬失錢遭罪這箇意如

何直饒是見透關底眼到這裏也須子細始得且道是
翠蟲天錢遭罪是雪竇失錢遭罪是雲明失錢遭罪你
若透得許你具眼潦倒保福抑揚難得抑自己揚古人
且道保福在什麼處是抑什麼處是抑什麼處是抑什麼
是賊且道他偷什麼來雪竇却道是賊切忌隨他語轉
轉却到這裏須是自有操持始得白圭無玷須翠蟲大
似白圭相似更無些瑕翳誰辨真假可謂罕有人辨得
雪竇有木才所以從頭至尾一串穿却末後却方道長
慶相語眉毛牛也且道生也在什麼處急著眼看
垂示云明鏡臨臺妍醜自辨鑲銀在手殺活臨時漢去
胡來胡來漢去死中得活活中得死且道到這裏又作

麼生若無透關底眼轉身處到這裏灼然不奈何且道
如何是透關底眼轉身處試舉看

九舉僧問趙州如何是趙州河北河南總說不著爛泥

裏有刺不在河南正在河北州云東門西門南門北
門開也相罵饒你接嘴相唾饒你潑水見成公案還
見麼便打

大凡參禪問道明究自己切忌揀擇言句何故不見趙
州舉道至道無難唯嫌揀擇又不肯見道如今禪和
子三箇五箇聚頭口喃喃地便道這箇是上才語句那
箇是跡身處打出語不知古人方便門中爲初機後學
未明心地未免本性不得已而立箇方便語句如祖師

西來單傳心印直指人心見性成佛那裏如此草藤須
是斬斷語言格外見諦透脫得去可謂如龍得水似虎
靠山又參先德有見而未透透而未明謂之請益若真
見得透請益却要語句上周旋無有見處久參請益更
賊過梯其實此事不在言句上所以雲明道此事若在
言句上三乘十二分教豈是無言句何須達磨西來汾
陽十八問中此問謂之驗主問亦謂之探拔問這僧致
箇問頭也不妨奇特若不是趙州也難抵對他這僧問
如何是趙州趙州是本分作家便向道東門西門南門
北門僧云某甲不問這箇趙州云你問那箇趙州後
人喚作無事禪賺之不少何故他問趙州州答云東門

西門南門北門所以只答他趙州你若恁麼會三家村
裏漢更是會佛法去只這便是破滅佛法如將魚目比
況明珠似則似是則不是山僧道不在河南正在河北
且道是有事是無事也須是子細始得遠錄云云未後
一句始到牢關指南之旨不在言詮十日一風五日一
雨安邦樂業鼓腹謳歌謂之太平時節謂之無事不是
拍盲便道無事須是透過關捩子出得荆棘林淨裸裸
赤灑灑依前似平常人由你有事也無事也得亡
八橫終不執無定有有般底人道本來無一星事但只
遇茶遇茶遇飯喫飯此是本妄語謂之未得謂得未證
謂證元來不語實參得透見人談心說性說玄說妙便道

只是狂言。本來無事。可謂一盲引衆盲。殊不知祖師未
來時。那裏喚天作地。喚山作水。來爲什麼。祖師更西來。
諸方陞堂入室。說箇什麼。盡是情識計較。若是情識計
較。情盡方見得透。若見得透。依舊是天地是地。山是
山水是水。古人道。心是根。法是塵。兩種猶如鏡上痕。到
這箇田地。自然淨裸裸。赤灑灑。若極則理論。也未是安
穩。要在到這裏。人多錯會。打在無事界裏。佛也不禮。香
也不燒。似則也。似乎未脫體。不是纔問着。却是極則相
似。纔拶着。七花八裂。坐在空腹高心處。及到臘月三十
日。換手。推曾已是遲了也。這僧恁麼問。趙州恁麼答。且
道作麼生。摸索恁麼也。不得不恁麼也。不得不畢竟如何。

這才子是難處。所以雪竇拈出來。當面示入。趙州一日
坐次。侍者報云。大王來也。趙州矍然云。大王萬福。侍者
云。未到和尚州云。又道來也。參到這裏。見到這裏。不妨
奇特。南禪師拈云。侍者只知報客。不知身在帝鄉。趙州
入草求人。不覺渾身泥水。這才子實處。諸人還知麼。看
取雪竇頌。

句裏呈機。劈面來。響魚行水濁。莫謗趙州好。樂迦羅
眼絕纖埃。撒沙撒土。莫帶累趙州。憐天模地作什。
東西南北。明相對。開也。那裏有許多門。昔却趙州城。
向什處去。無限輪鎚。擊不開。自是你輪鎚不到。開
也。

趙州臨機一似金剛王寶劍擬議即截却你頭往往更
當面拗却你眼睛這僧也敢將虎鬚致箇問頭天似無
事生事爭奈句中有機他既呈機來趙州也不辜負他
問頭所以亦呈機答不是他特地如此蓋為透底人
然合轍一似安排來相似不見有一外道手攬雀兒來
問世尊云且道某甲手中雀兒是死耶是活耶世尊遂
騎明闍云你道我出耶入耶一本云世尊舉頭云開也合也外道無
語遂禮拜此話便似這公案古人自是血脉不斷所以
道問在答處答在問處雪竇如此見得透便道句裏呈
機劈面來句裏有機如帶兩意又似問人又似問境相
似趙州不移易一絲毫便向他道東門西門南門北門

爍迦羅眼絕纖埃此須趙州入境俱奪向句裏呈機與
他答此謂之有機有境緣轉便照破他心膽若不如此
難塞他問頭爍迦羅眼者是梵語此云堅固眼亦云金
剛眼照見無碍不唯千里明察秋毫亦乃定邪決正辨
得失別機宜識休咎雪竇云東西南北門相對無限輪
鎚擊不開既是無限輪鎚何故擊不開自是雪竇見處
如此你諸人又作麼生得此門開去請參詳者

垂示云作麼作麼不供麼不供麼若論戰也箇箇立仁
轉處所以道若向上轉去直得釋迦彌勒文殊普賢千
聖萬聖天下宗師普皆飲氣吞聲若向下轉去豈能
蠓虻動念靈心一放大光明一一壁立萬仞儻或不上

不下又作麼生商量有條攀條無條攀例試舉看

十舉睦州問僧近離甚處探筆影草僧便喝作家牌客

且莫誇也解恁麼去州云老僧被汝一喝啗虎

之機驀又作麼僧又喝看取頭角似則似是則不是

只恐龍頭蛇尾州云三喝四喝後作麼生迦水之流

未曾有一人出得頭入那裏去僧無語果然摸索不

著州便打云若使睦州盡令而行盡大地草木悉動

爲三段這掠虛頭漢放過一著落在此

大凡拔豎宗教須是有本分宗師眼自有本分宗師作

用睦州機鋒如閃電相似愛動座主尋常出一言半句

似箇荆棘叢相似著脚手不得他纔見僧來便道見成

不

公案放你三十棒又見僧云上座僧回首州云檐板漢

又示衆云未有箇入頭處須得箇入頭處既得箇入頭

處不得辜負老僧睦州爲人多如此這僧也善雕琢爭

奈龍頭蛇尾當時若不是睦州也被他惑亂一場只如

他問近離什麼處僧便喝且道他意作麼生這老漢也

不忙緩緩地向他道老僧被汝一喝似領他話在一邊

又似驗他相似斜身看他如何這僧又喝似則似是則

未是被這老漢穿却鼻孔來也遂問云三喝四喝後作

麼生這僧果然無語州便打云這掠虛頭漢駁人端的

處下口只知音可惜許這僧無語惹得睦州道掠虛頭

漢若是該人被睦州道三喝四喝後作麼生合作麼生

祇對免得他道掠虛頭漢這裏若是識存亡別休各脚
踏實地更誰管三喝四喝後作麼生只爲這僧無語被
這老漢便抄券結案聽取雪竇頌出

兩喝與三喝雷聲浩大雨點全無自古至今罕有人
恁麼作者知機變若不是作家爭驗得只恐不恁麼
若謂騎虎頭西瞻漢虎頭如何騎多少人恁麼會也
有以作這見解二俱成瞎漢親言出親口何止兩箇
自領出去誰瞎漢教誰辨賴有末後句泊乎賺殺人
拈來天下與人看者即不無礙着即瞎鬧梨若着眼
看則兩手拍空恁麼舉且道是第幾機

雪竇不妨有爲人處若不是作者只是胡喝亂喝所以

古人道有時一喝不作一喝用有時一喝却作一喝用
有時一喝如踞地獅子有時一喝如金剛王寶劍興化
道我見你諸人東廊下也喝西廊下也喝且莫胡喝亂
喝直饒喝得興化上三十三天却撲下來氣息一點也
無待我點醒起來向汝道未在何故興化未曾向紫羅
帳裏撒真珠與你諸人在只管胡喝亂喝作什麼臨濟
道我聞汝等總學我喝我且問你東堂有僧出西堂有
僧出兩箇齊下喝那箇是實那箇是主你若分賓主不
得已後不學學老僧所以雪竇頌道作者知機變這僧
雖被睡心收他却有識機變處且道什麼處是這僧識
機變處西堂智禪師點這僧云識法者懼由頭道若論

戰也箇箇立在轉處黃龍和尚道窮則變變則通這箇此手是祖師坐斷天下人舌頭處你若識機變舉著便知落處不無漢云管他道三喝四喝作什麼只管喝將去說什麼三十二喝喝到彌勒佛下生謂之野虎頭若恁麼知見不識睦州則故是要見這僧太遠在如人騎虎頭須是手中有方兼有轉變始得雪竇道若恁麼俱成瞎漢雪竇似倚天長劍凜凜全威若會得雪竇意自然手處萬處一時會便見他雪竇後面頌只是下注脚又道誰瞎漢且道是賓家瞎是主家瞎莫是賓主一時瞎麼拈來天下與人看此是活處雪竇一時頌了也爲什麼却道拈來天下與人看且道作麼生看開

眼也着合眼也着還有人免得麼

佛果圓悟禪師碧巖錄卷第一



夾山無碍禪師降魔表

慧芳附刊

臣聞三乘路廣法界無涯智海晏清十方安泰時有魔軍競起
侵撓心田六賊既強心主驚動朝生百怪暮起千邪撼惑真如
困勞法體菩提道路隔絕不通破壞涅槃傷殘三寶無爲珠玉
悉被偷將大藏法財皆遭劫奪塵勞醫目欲火亘天飄蕩法城
焚燒聖境臣乃見如斯暴亂恐佛法以難存遂與六波羅蜜商
量同爲剪滅遣性空爲密使聽探魔軍見今此在五蘊山中有
八万四千餘衆既知體勢計在剎那遂點十八界雄兵並立體
空爲號人人有無礙之力箇箇懷勇健之能直心爲見性之現
一正去二邪之乱擾堅固甲執三昧鏘智箭禪弓光明慧劍向
大乘門中司練寂滅山內安營三明嶺上開旗八正路邊排布



遣大覺性向捉生之將遊歷四方搜求妄想之踪抄截無明之
蹟復使慈悲王破三毒之寨忍辱師伐嗔怒之城精進軍除傲
慢之妖喜捨王抵慳貪之賊逡巡而魔軍大起殺氣衝天臣乃
部領摩訶一時齊入當尔之時眼不觀色耳不聽聲鼻不嗅香
舌不了味身不受觸意不攀緣一志向前念念不退倏忽而魔
軍大敗六賊全輸殺戮無邊掃除蕩盡生擒妄想活捉無明領
向涅槃場中以慧劍斬為三段煩惱林當時摧折人我山化作
微塵礙愛網遭智火焚燒邪見林被慧風吹竭因茲三明再朗
四智重圓內外無礙廓然清淨主坐懽喜之殿真如登解脫之
樓自性遊無碍之堂三身踞法空之座從茲法界寧靜永絕囂塵共
渡生死之河齊到菩提之岸魔軍既退合具奏聞

佛果園悟禪師碧巖錄卷第二

垂示云佛祖大機全歸掌握人夫命脉悉受指呼等閑

一句一言驚群動眾下機下境打鎖敲枷接向上機提

向上事且道什麼人自恁麼來還有知落處麼試舉看

十舉黃鵠示眾云打水碍盆一口吞盡天下衲僧跳不

出汝等諸人盡是啗酒糟漢恁麼行脚道着踏破草

鞋拋天擲地何處有今日用今日作什麼不妨驚群

動眾還知大唐國裏無禪師麼老僧不會一口吞盡

也是雲居羅漢時有僧出云只如諸方匡徒領眾又

作麼生也好與下拶臨機不得不恁麼舉云不道無

淨只是無師直得分疎不下吾解永消龍頭蛇尾漢

黃檗身長七尺額有圓珠天性會禪師昔遊天台路逢
一僧坐之談笑如故相識熟視之目光射入頗有異相
乃偕行履水暴漲乃植杖指筵而止其僧率師同渡
師曰請渡彼即褰衣躡波如履平地而顧云渡來渡來
師咄云這自了漢吾早知擇當所汝脛其僧歎曰真
大乘法器言訖不見初到百丈丈問云魏魏堂堂從什
麼處來檍云魏魏堂堂從嶺中來丈云來爲何事檍云
不爲別事百丈深望之次日辭百丈丈云什麼處去檍
云江西禮拜馬大師去丈云馬大師已遷化去也你道
黃檗恁麼問是知來問是不知來問却云某甲特地去
禮拜福緣淺薄不及一見未審平日有何言句願聞舉

示丈遂舉再參馬祖因緣祖見我來便豎起拂子我問
云即此用離此用祖遂掛拂子於禪床角良久祖却問
我汝已後鼓兩片皮如何爲入我取拂子豎起祖云即
此用離此用我將拂子掛禪床角祖振威一喝我當時
直得三日耳聾黃檗不覺悚然吐舌丈云子已後莫參
嗣馬大師檍云不然今日因師舉得見馬大師大機
大用若承嗣馬師他日已後喪我兒孫丈云如是如是
見與師齊滅師半德智過於師方堪傳授子今見處宛
有超師之作諸人且道黃檗恁麼問是知而故問耶是
不知而問耶須是親見他家父子行履處始得黃檗一
日又問一丈從上宗乘如何指示百丈良久檍云不可

教後人。絕去百丈云。謂汝是箇人。遂乃起入方丈。
壁與裴相國爲方外友。裴鎮死。陵請師至。郡以所解一
編示師。師置於座。略不披閱。良久乃云。會麼。裴云。不
會。壁云。若便恁麼。會得猶較些子。若也。形於紙墨。何處
更有吾宗。裴乃以頌贊云。自從大士傳心印。額有圓珠
七尺身。掛錫十年樓閣水。淨盃今日渡漳濱。八千龍象
隨高步。萬里香花結勝因。擬欲事師爲弟子。不知將法
付何人。師亦無喜色。云。心如大海無邊際。口吐紅蓮養
病身。自有一雙無事手。不曾祇揖等閑人。壁住後。機鋒
峭峻。臨濟在會下。睦州爲首座。問云。上座在此多時。何
不去問話。濟云。教某甲問什麼話。即得座云。何不去問。

如何是佛法的大意。濟便去問三度。被打出。濟辭座。
曰。蒙首座令三番去。問被打出。恐因緣不在此裏。暫且
下山。座云。子若去。須辭和尚去。方可。首座預去。白壁云。
問話上座甚不可得。和尚何不穿鑿。教成一株樹去。與
後人爲陰涼。壁云。吾已知濟來。壁云。汝不得向別處
去。直向高安灘頭見大愚去。濟到大愚。遂舉前話。不知
某甲過在什麼處。愚云。壁與麼老婆心切。爲你徹困。更
說什麼。有過無過。濟忽然大悟。云。黃壁佛法無多子。大
愚搗拄云。尔道來。又道有過而全却道佛法無多子。濟
於大愚脇下。裰三拳。愚拓開云。汝師黃壁非干我事。一
日壁示。云。牛頭融大師橫說豎說。猶未知向上閑。換

子在是石頭馬祖下禪和子浩浩地說禪說道他何
故却與麼道所以示衆云汝等諸人盡是噯酒糟漢恁
麼行脚取笑於人但見八百一千人處便去不可只圖
熱鬧也呵中總似汝如此容易何處更有今日事也唐
時愛罵人作噯酒糟漢人多喚作黃檗罵人具眼者自
見他落處太意垂一鈞釣人問衆中有一僧自底禪
和便解恁麼出衆問他道只如諸方匡徒領衆又作麼
生也好一撥這老漢果然分疎不下便却漏逗云不道
無禪只是無師且道意在什麼處他從上宗旨有時擒
有時縱有時殺有時活有時放有時收敢問諸人作麼
生是禪中師山僧恁麼道已是和頭沒却了也諸人鼻

孔在什麼處良久云穿却了也

凜凜孤風不自誇猶自不知有也是雲居羅漢端居
寰海定龍蛇也要別細素也要皂白分明太中天子
曾輕觸說什麼太中天子任大也須從地起更高安
柰有天何三度親遭弄爪牙死蝦蟆多口作什麼未
爲奇特猶是小機巧若是大機大用現前盡十方世
界乃至山河大地盡在黃檗處乞命

雪竇此一頌一似黃檗真贊相似人却不得作真贊會
他底句下更有出身處分明道凜凜孤風不自誇黃檗
恁麼示衆且不是爭人負我自逞自誇若會這箇消息
一任七八橫有時孤峰頂獨立有時鬧市裏轉身豈

可憐一遇愈捨愈不歇愈尋愈不見愈權荷忍沒溺
古人道無翼飛天下有名傳世間盡情捨却佛法道理
玄妙奇特一時放下却較此子自然觸處現成靈竇道
端居靈海定龍蛇是龍是蛇入門來便驗取謂之定龍
蛇眼擒虎兇機靈竇又道定龍蛇兮眼何正擒虎兇兮
機不全又道大中天子曾輕觸三度親遭弄个牙黃檗
豈是如今惡脚手從來如此大中天子者續咸通傳中
載唐憲宗有二子一曰穆宗一曰宣宗宣宗乃大中也
年十二少而敏慧常愛跏趺坐穆宗在位時因早朝罷
太中乃戲登龍床便揖群臣勢大臣見而謂之心風乃
奏穆宗穆宗見而撫歎曰我弟乃吾宗英胄也穆宗於

長慶四年晏駕有二子曰敬宗文宗武宗敬宗繼父位
二年內臣謀易之文宗繼位一十四年武宗即位常喚
太中作癡奴一日武宗恨太中昔日戲登父位遂打殺
致後苑中以不潔灌而復甦遂潛遁在香嚴閑和尚會
下後剃度為沙彌未受具戒後與志閑遊方到廬山因
志閑題瀑布詩云采雲遙石不辭勞地遠方知出處高
閑吟此兩句佇思久之欲釣他語求看如何太中續云
溪澗豈能留得住終歸大海作波濤閑方知不是尋常
人乃默而識之後到鹽官會中請太中作書記黃檗在
彼作首座檗一日禮佛次太中見而問曰不着佛求不
着法求不着衆求禮拜當何所求檗云不着佛不着

法求至道衆求常禮如是太中云用禮何爲便掌太
中云太公鹿生藥云這裏什麼所在說鹿說細藥又掌太
中後繼國位賜黃藥爲鹿行沙門裴相國在朝後奏賜
斷際禪師雪竇知他血脉出處使用得巧如今還有弄
爪牙底麼便打

垂示云殺人刀活人劍乃上古之風規亦今時之樞要
若論殺也不傷一毫若論活也喪身失命所以道向上
一路千聖不傳學者勞形如猿捉影且道既是不傳爲
什麼却有許多葛藤公案具眼者試說看

士舉僧問洞山如何是佛鉢鉢天下衲僧跳不出山
云麻三斤灼然破草鞋指槐樹罵柳樹爲秤鎚

這箇公案多少入錯會直是難咬嚼無你下口處何故
淡而無味古人有多少此佛話或云殿裏底或云三十
二相或云杖林山下竹筋鞭及至洞山却道麻三斤不
妨截斷古人舌頭人多作話會道洞山是時在庫下秤
麻有僧問所以如此答有底道洞山問東蒼西有底道
你是佛更去問佛所以洞山達路蒼之死漢更有一般
道只這麻三斤便是佛且得沒交涉你若恁麼去洞山
句下尋計參到彌勒佛下生也未夢見在何故言語只
是載道之器殊不知古人意只管去句中求有什麼巴
鼻不見古人道道本無言因言顯道見道即忘言若到
這裏還我第一機來始得只這麻三斤一似長安大路

根

一條根似舉足下足無有不是這箇話與雲門明餅話
是一般不妨難會五祖先師頌云幾箇搭板漢點解麻
三斤千百年滯貨無虧着渾身你但打疊得情塵意想
計較得失是非一時淨盡自然會去

金烏急左眼半片快鷄趕不及火焰裏橫身玉兔速
右眼八兩姪娥官裏作窠窟善應何曾有輕觸如鐘
在扣如令受響展事投機見洞山錯認定盤星自是
闍黎恁麼見跛鱉盲龜入空谷自領出去同坑無異
土阿誰打你鷄子死花旗簇錦簇簇兩重公案一狀
領過依舊一般南地竹竿北地木三重也有四重公
案頭上安頭因思長慶陸大夫懶兒牽伴山僧也恁麼

麼雪竇也恁麼解道合笑不笑吳呵呵蒼天夜半更
添冤苦嘆咄是什麼便打

雪竇見得透所以劈頭便道金烏急玉兔速與洞山答
麻三斤更無兩般日出月沒日日如是人多情解只管
道金烏是左眼玉兔是右眼纔問著便瞋眼云在這裏
有什麼交涉若恁麼會達磨一宗掃地而盡所以道垂
釣四海只釣得龍格外玄機爲尋知己雪竇是出陰界
底人豈作這般見解雪竇輕輕去敲關擊節略露此
子教你見便下箇注脚道善應何曾有輕觸洞山不輕
酬這僧如鐘在扣如令受響大小隨應不敢輕觸雪竇
一時忘心肝五臟呈似你諸人了也雪竇有靜而喜

應頌云觀面相呈不在多端龍蛇易辨衲子難明金鎚影動寶劍光寒直下來也急着眼看洞山初參雲門問近離甚處山云渣渡門云夏在其麼處山云湖南報慈門云幾時離彼中山云八月二十五門云放你三頓棒參堂去師晚間入室親近問云某甲過在什麼處門云飯袋子江西湖南便恁麼去洞山於言下豁然大悟遂云某甲他日向無人煙處卓箇庵子不蓄一粒米不種一莖菜常接待往來十方大善知識盡與伊抽却金披却楔扯却臘脂帽子脫却鶻鼻布衫各令灑灑落落地作箇無事人去門云身如椰子大開得許大口洞山便辭去他當時悟處直下顙脫豈同小見後來出世應

機麻三斤語諸方只作答佛話會如何是佛杖林山下竹筋鞭丙丁童子來求火只管於佛上作道理雪竇云若恁麼作展事與投機會正似跛躄盲龜入空谷何年日月尋得出路去花簇簇錦簇簇此是僧問智明和尚洞山道麻三斤意旨如何智明云花簇簇錦簇簇會麼僧云不會智明云南地竹弓北地木僧回舉似洞山云我不爲汝說我爲大衆說遂上堂云言無展事語不投機承言者喪帶句者迷雪竇破人情見却意引作一串頌出後人却轉生情見道麻是孝服竹是孝杖所以道南地竹弓北地木花簇簇錦簇簇是棺材頭邊畫底花草是識羞麻殊不知南地竹弓北地木與麻三斤只

根

是阿婆與阿婆相似古人答一轉語決是意不心麼正
似雪竇道金烏急玉兔速自是一般寬曠只是金鑰難
辨魚魯矣若雪竇老婆心切要破你疑情更引箇死漢
因思長慶陸大夫解道合笑不合哭若論他頭上
三句一時領了我且問你都盧只是箇麼三斤雪竇却
有許多葛藤只是慈悲忒煞所以如此陸直大夫作宣
州觀察使參南泉泉遷化直聞喪入寺下祭却呵呵大
笑院主云先師與大夫有師資之義何不哭大夫云道
得即哭院主無語巨大哭云著天著天先師去世遠矣
後來長慶聞云大夫合笑不合哭雪竇借此意大綱道
你若作這般情解正好笑莫哭是即是末後有一箇字

不妨聲說更道咦雪竇還洗得脫麼

垂示云雲疑大野徧界不藏雪覆蘆花難分朕迹今處
冷如冰雪細細細如米末深深處佛眼難親密密處
外莫測舉上明二即且止半斷天下人舌頭作麼生道
且道是什麼人分上事試舉看

三舉僧問巴陵如何是提婆宗白馬入蘆花道什麼點
巴陵云銀碗裏盛雪雪舉斷你咽喉七花八裂

這箇公案人多錯會道此是外道宗有什麼交涉第十
五祖提婆尊者亦是外道中一數因見第十四祖龍樹
尊者以針投鉢龍樹深覺之傳佛心宗繼為第十五祖
楞伽經云佛語心為宗無門為法門馬祖云凡有言句

是提婆宗只以此箇爲主諸人盡是衲僧門下必還曾
體究得提婆宗麼若體究得西天九十六種外道被汝
一時降伏若體究不得未免着疑披袈裟去在且道是
作麼生若道言句是也沒交涉若道言句不是也沒交
涉且道馬大師意在什麼處後來雲門道馬大師好言
語只是無人問有僧便問如何是提婆宗門云九十六
種汝是最下一種昔有僧疑太隋隋云什麼處去僧云
禮拜普賢去大隋豎起拂子云友殊普賢盡在這裏僧
畫一圓相以手托呈師又拋向背後隋云侍者將一貼
茶來與這僧去雲門別云西天斬頭截臂這裏自領出
去又云赤幡在我手裏西天論議勝者手執赤幡負墮

動

者返披袈裟從偏門出入西天欲論議須得奉主初於
大寺中聲鐘擊鼓然後論議於是外道於僧寺中封禁
鐘鼓爲之少汰時迦那提婆尊者知佛法有難遂運神
通登樓撞鐘欲攪外道外道遂問樓上聲鍾者誰提婆
云天外道云天是誰婆云我外道云我是誰婆云我是
你外道云你是誰婆云你是狗外道云狗是誰婆云狗
是你如是七返外道自知負墮伏羲遂自開門提婆於
是從樓上持赤幡下來外道云汝何不後婆云汝何不
前外道云汝是賤人婆云汝是良人如是衆轉酬問提
婆折以無礙之辯由是歸伏時提婆尊者手持赤幡義
墮者平立外道皆斬首謝過時提婆止之但令削

髮入道。於是提婆宗大興。雪竇後用此事而頌之。巴陵
衆中謂之鑒多口。常縫坐具。行脚深得他雲門脚跟下
大事。所以奇特。後出世。法嗣雲門。先住岳州。巴陵更不
作法嗣。書只將三轉語上雲門。如何是道。明眼人落井
如何是吹毛劍。珊瑚枝枝撐著月。如何是提婆宗。銀椀
裏盛雪。雲門云。他日老僧。忘底只舉此三轉語報恩足
矣。自後果不作忌辰齋。依雲門之囑。只舉此三轉語。然
諸方笑此話多就事上。合唯有巴陵。焦麻道。極是孤峻。
不妨難會。亦不露些子鋒鏑。八面受敵。着着有出身之
路。有陷虎之機。脫人情見。若論一色邊事。到這裏。須是
自家透脫了。却湏是遇之始得。所以道道盡無。務同人

會石華鬘。爲作者譜此理。若無師印授。擬將何法語玄。
談雪竇。隨後拈提爲人。所以頌出。

老新開。千兵易得一將。難求多口。阿師端的別。是什
麼端的。頂門上。下着夢見也。未解道。銀椀裏盛雪。鱖
跳不出斗。兩重公案。多少人喪身失命。九十六箇應
自知。兼身在內。闍黎還知麼。一坑埋却不知。却問天
邊月。遠之遠矣。自領出去。望空啓告。提婆宗。提婆宗。
道。什麼山僧在這裏。滿口含霜。赤旛之下。起清風。百
雜碎打云。已著了也。你且去斬頭截臂。來與你道一
句。

老新開。新開乃院名也。端的別。雪竇讚歎有分。道什

麼處是別處一切語言皆是佛法山僧如此說只成什
麼道理去雪竇微露此子意道只是端的別後面打開
云解道銀碗裏盛雪更與你下箇注脚九十六箇應自
知負隨始得你若不知問取天邊月古人曾答此話云
問取天邊月雪竇領了末後須有活路有獅子返擲之
句更提起與你道提婆宗提婆宗赤幡之下起清風巴
陵道銀碗裏盛雪爲什麼雪竇却道赤幡之下起清風
還知雪竇殺人不用力麼

四舉僧問雲門如何是一代時教直至如今不了座主
不會着藤窠裏雲門云對一說無孔鐵鎚七花八裂
老鼠咬生薑

禪家流欲知佛性義當觀時節因緣謂之教外別傳單
傳心印直指人心見性成佛釋迦老子四十九年住世
三百六十會開談頓漸權實謂之一代時教這僧拈來
問云如何是一代時教雲門何不與他紛紛解說却向
他道箇對一說雲門尋常一句中須具三句謂之函蓋
乾坤句隨波逐浪句截斷衆流句放去收來自然奇特
如斬釘截鐵教又義解了度他底不得一大藏教只消
三箇字四方八面無你穿鑿處人多錯會却道對一時
機宜之事故說又道森羅及萬象皆是正法之所印謂
之對一說更有道只是說那箇一法有什麼交涉非唯
不會申入地獄如箭殊不知古人意不如此所以道粉

骨碎身未足酬一句了然超百億不妨奇特如何是一
代時教只消道箇對一說若當頭薦得便可歸家穩坐
若薦不得且伏聽處分

對一說活鱗鱗言猶在耳不妨孤峻太孤絕傍觀有
分何止壁立千仞豈有恁麼事無孔鐵鎚重下楔錯
會名言也雲門老漢也是泥裏洗土塊雪竇也是糝
飾閣浮樹下笑呵呵四州八縣不曾見箇漢同道者
方知能有幾人知昨夜驪龍拗角折非止驪龍拗折
有誰見來還有證明麼咂別別讚歎有分須是雪竇
始得有什麼別處韶陽老人得一槪在什麼處更有
一槪分你阿誰德山臨濟也須退倒三千那一槪又

作麼生便打

對一說太孤絕雪竇讚之不及此語獨脫孤危光前絕
後如萬丈懸崖相似亦如百萬軍陣無你入處只是忒
煞孤危古人道欲得親切莫將問來問問在答處答在
問端直是孤峻且道什麼處是孤峻處天下人奈何不
得這僧也是箇作家所以如此問雲門又恁麼答入似
無孔鐵鎚重下楔相似雪竇使文吉用得甚巧閣浮樹
下笑呵呵起世經中說須彌南畔吹琉璃樹映閣浮洲
中皆青色此洲乃大樹為名名閣浮提其樹縱廣七千
由旬下有閣浮檀金聚高二十由旬以金從樹下出生
故號閻浮樹所以雪竇自說他在閣浮樹下笑呵呵且

道他笑箇什麼笑昨夜驪龍拗角折只得瞻之仰之讚
嘆雲門有分雲門道對一說似箇什麼如拗折驪龍下
角相似到這裏若無恁麼事焉能恁麼說話雲實一時
領了末後却道別別韶陽老人得一槩何不道全得如
何只得一槩且道那一槩在什麼處直得穿過第二人
垂示云殺人刀活人劍乃上古之風規是今時之樞要
且道如今那箇是殺人刀活人劍試舉看
五舉僧問雲門不是目前機亦非目前事時如何踈跳
作什麼倒退三千里門云倒一說平出教出四人口
也不得放過荒草裏橫身

這僧不妨是箇作家解恁麼問頭邊謂之請益此是呈

解問亦謂之請益問若不是承前也不柰他何雲門有
這般手脚他既將問來不得已而應之何故作家宗師
如明鏡臨臺胡來胡現漢來漢現古人道欲得親切莫
將問來問何故問在答處答在問處從上諸聖何曾有
一法與入那裏有禪道與你來你若不造地獄業自然
不招地獄果你若不造天堂因自然不受天堂果一切
業緣皆是自作自受古人分明向你道若論此事不在
言句上若言句上三乘十二分教豈是無言句更何
用祖師西來前頭道對一說這裏却道倒一說只爭一
字爲什麼却有千差萬別且道聲訛在什麼處所以道
法隨法行法幢隨處建立不是目前機亦非目前事時

如何只消當頭一點。若是具眼漢一點也謾他不得。問
處既聲訛。若處須得恁麼。其實雲門騎賊馬趕賊有者。
錯會道。本是主家話。却是賓家道。所以雲門云。倒一說。
有什麼死急。這僧問得妙。不是目前機。亦非目前事。時
如何。雲門何不答他別語。言却只向他道。倒一說。雲門
一時打破他底。到這裏道。倒一說。也是好肉上剜瘡。何
故言迹之興。白雲萬里異途之所由生也。設使一時無
言。無白露柱燈籠。何曾有言句。還會麼。若不會。到這裏
也須是轉動始知落處。

倒一說。放不下七花八裂。須彌南畔。卷盡五千四十
八分一節。王孫邊在我邊。半河南半河北。把手共行。

同死同生。空若訣。泥裏洗土塊。着甚來由。放你不得。
八萬四千非鳳毛。羽毛相似太煞減。人威光漆桶如
麻如栗。三十三人入虎穴。唯我能知。一將難求。野狐
精。一隊別別。有什麼別處。少賣弄。一任踉蹌。擾擾忽
忽。水裏月。青天白日。迷頭認影。着性作什麼。

雪竇亦不妨作家。於一句下。便道分一節。分明放過。
一着與他把手共行。他從來有放行手段。敢與你入泥入
水。同死同生。所以雪竇恁麼道。其實無他。只要與你解
粘去縛。抽釘拔楔。如今却因言句轉生情解。只如巖頭
道。雪峯雖與我同條生。不與我同條死。若非金機透脫。
得大自在底人。焉能與你同死同生。何故爲他無許多。

得失且非滲漏更故洞山云若要辨說向上之人真偽者有三種滲漏情滲漏見滲漏語滲漏見滲漏機不離位墮在毒海情滲漏智常向背見處偏枯語滲漏體妙失宗機昧終始此三滲漏宜已知之又有三玄體中玄句中玄玄中玄古人到這境界全機未用遇生與你同生遇死與你同死向虎口裏橫身放得手脚千里萬里隨你銜去何故還他得這一着子始得八萬四千非鳳毛者靈山八萬四千聖眾非鳳毛也南史云齊時謝超宗陳郡陽夏人謝鳳之子博學文才傑後朝中無比當世爲之獨步善爲文爲王國常侍王母殷淑儀薨超宗作議奏之武帝見其文大加嘆賞曰超宗殊有鳳毛古

詩云朝罷香爐殘燭滿袖詩成珠玉在揮毫欲知世掌絲綸美池上如今有鳳毛昔日靈山會上四眾雲集世尊拈花唯迦葉獨破顏微笑餘者不知是何宗旨雪竇所引道八萬四千非鳳毛三十三人入虎穴阿難問迦葉云世尊傳金襴袈裟外別傳何法迦葉召阿難阿難應喏迦葉云倒却門前刹竿着阿難遂悟已後祖祖相傳西天此土三十三人有入虎穴底手脚古人道不入虎穴爭得虎子重南是這般人善能同死同生宗師爲人須至如此據曲求木牀上坐捨得教你打破客你捋虎鬚也須是到這般田地始得具七事隨身可以同生同死高峯指之者舉之不足者與之止孤峰者教令入

荒草茂荒草若拔令處孤峰你若入鑊湯爐炭我也入
鑊湯爐炭其實無他只要與你解粘去縛抽釘拔楔脫
却龍頭卸却角獸平田和尚有一須最好靈光不昧萬
古微獸入此門來莫存知解別別擾擾忽忽水裏月不
妨有出身之路亦有活人之機雪竇拈了教人自去明
悟生機莫隨他語句你若隨他正是擾擾忽忽水裏月
如今作麼生得平穩去放過一著

垂示云道無橫徑立者孤危法非見聞言思迴絕若能
透過荆棘林解開佛祖縛得箇穩密田地諸夫捧花無
路外道潛窺無期終日行而未嘗行終日說而未嘗說
便可以自由自在展啐啄之機用殺活之劍直饒恁麼

更須知有建仁門中一手擡一手擲猶較此子若是本
分事上且得沒交涉作麼生是本分事試舉看

六 舉僧問鏡清學人啐請師啄無風起浪作什麼你用
許多見解作什麼清云還得活也無智買帽担頭將
錯就錯不可總恁麼僧云若不活遭人怪笑相帶累
撐天拄地檐板漢清云也是草裏漢果然自領人去
放過即不可

鏡清承嗣雪峰與本化玄沙疎山太原乎輩同時初見
雪峰得旨後常以啐啄之機開示後學善能應機說法
示衆云大凡行脚人須具啐啄同時眼有啐啄同時用
方稱衲僧如近欲啄而子不得不啐子欲啐而母不得

不啄者僧便出問母啄子啐於和尚分上成得箇什麼
邊事清云好箇消息僧云子啐母啄於學人分上成得
箇什麼邊事清云露箇面目所以鏡清門下有啐啄之
機這僧亦是他門下客會他家裏事所以如此問學人
啐請師啄此問洞下謂之借事明機那裏如此子啐而
母啄自然恰好同時鏡清也好可謂拳踴相應心眼相
照便答道還得活也無其僧也好亦知機變一句下有
賓有主有照有用有殺有活僧云若不活遭人怪笑清
云也是草裏漢一等是入泥入水鏡清不妨惡脚手這
僧既會恁麼問爲什麼却道也是草裏漢所以作家眼
目須是恁麼拈石火似閃電光構得構不得未免喪

身朱命若恁麼便見鏡清道草裏漢所以南院示衆云
諸方只具啐啄同時眼不具啐啄同時用有僧出問如
何是啐啄同時用南院云作家不啐啄啐啄同時失僧
云猶是學人疑處南院云作麼生是你疑處僧云失南
院便打其僧不肯院便趕出僧後到雲門會裏舉前話
有一僧云南院棒折那其僧豁然有省且道意在什麼
處其僧却回見南院院適已遷化却見風穴纔禮拜穴
云莫是當時問先師啐啄同時底僧麼僧云是穴云你
當時作麼生會僧云某甲當初時如燈影裏行相似穴
云你會也且道是箇什麼道理這僧都來只道某甲當
初時如燈影裏行相似因其麼風穴便向他道你會也

後來吳巖拉云南院雖然運籌帷幄爭奈土曠人稀知
音者少風光括云南院當時待他開口劈脊便打看他
作麼生若見此公案便見這僧與鏡清相見處諸人作
麼生免得他道草裏漢所以雪竇愛他道草裏漢便頌
出

古佛有家風 言猶在耳千古榜樣莫謗釋迦老子好
對揚遭貶剥 鼻孔爲什麼却在山僧手裏不棒對
三你作麼生放過一着便打子母不相知既不相知
爲什麼却有啐啄天然是誰同啐啄百雜碎老婆心
切且莫錯認啐啄見道什麼落在第二頭猶在殼何不
出頭來重遭撲錯便打兩重公案三重四重了也天

下衲僧徒名選放過了也不須舉起還有名選得底
麼若名選得也是草裏漢千古萬古黑漫漫填溝塞
壑無人會

古佛有家風雪竇一句頌了也凡是出頭來直是近傍
不得若近傍着則萬里崖州纔出頭來便是落草直繞
七縱八橫不消一捏雪竇道古佛有家風不是如今恁
麼也釋迦老子初生下來一手指天一手指地目顧四
方云天上天下唯我獨尊雲門道我當時若見一棒打
殺與狗子喫却貴要天下太平如此方酬得恰好所以
啐啄之機皆是古佛家風若達此道者便可一拳拳倒
黃鶴樓一踢踢翻鸚鵡洲如火聚近之則燎却面門

如太阿劍擬之則喪身失命此箇唯是透脫得大解脫者方能如此苟或迷源滯句決定構這般說話不得對揚遭貶剝則是一賓一主一問一答於問答處便有貶剝謂之對揚遭貶剝雪竇深知此事所以只向兩句下領了未後只是落草爲你注破子母不相知是誰同啐啄母雖啄不能致子之啐子雖啐不能致母之啄各不相知當啐啄之時是誰同啐啄若恁麼會也出雪竇末後句不得在何故不見有嚴道子啐母啄子覺無嚴子母俱忘應緣不錯同道唱和妙去獨脚雪竇不妨落草打葛藤道啄此一字領鏡清答道還得活也無覺須這僧道若不活遭人怪笑爲什麼雪竇却便道猶在殼裏

竇向石火光中別緇素閃電機裏辨端倪鏡清道也是草裏漢雪竇道重遭撲者難處此字是鏡清道也是草裏漢喚作鏡清換人眼睛得麼這句莫是猶在殼裏且得沒交涉那裏如此若會得繞天下行脚報恩有分山僧恁麼說話也是草裏漢天下衲僧徒名邈誰不是名邈者到這裏雪竇自名邈不出却更累他天下衲僧且道鏡清作麼生是爲這僧處天下衲僧跳不出垂示云斬釘截鐵始可爲本分宗師雖箭腰力焉能爲通方作者針筌不入處則且置白浪滔天時如何試舉看

廿舉僧問香林如何是祖師西來意大有人疑着猶有

這箇消息在林云坐久成勞魚行水濁鳥飛落毛令
取狗口好作家眼目錯解細鑑

香林道坐久成勞還會麻若會得百草頭上罷却干戈
若也不會伏聽處分古人行胸結交擇友爲同行道伴
撥草瞻風是時雲門旺化廣南香林得得出蜀與鵝湖
鏡清同時先參湖南報慈後方至雲門會下作侍者十
八年在雲門更親得親聞他悟時雖晚不妨是大根器
居雲門左右十八年雲門常只喚遠侍者纔應喏云
是什麼香林當時也不語呈見解弄精魂終不相契一
日忽云我會也門云何不向上道將來又住三年雲門
室中垂大機幾多半爲他遠侍者隨處入作雲門凡有

一言一句都收在遠侍者處香林後歸蜀初住導江永
昌宮後住青城香林智明禪和尚本浙人盛聞香林道
化將來入蜀參禮祇乃雪竇師也雲門雖接人無數當
代道行者只香林一派最盛歸川住院四十年八十歲
方遷化嘗云我四十年方打成一片凡示衆云大凡行
脚參尋知識要帶眼行須分細素看淺深始得先須立
志而釋迦老子在因地時發一言一念皆是立志後來
僧問如何是室內一盞燈林云三人證龜成鼈又問如
何是衲衣下事林云臘月火燒山古來答祖師意甚多
唯香林此一則坐斷天下人舌頭無你計較作道理處
僧問如何是祖師西來意林云坐以成勞可謂言無味

句無味無味之談寒斷人舌無你出氣處要見便見若不見切忌作解會香林曾遇作家來所以有雲門手段有三句體調人多錯會道祖師西來九年面壁豈不是坐久成勞有什麼巴鼻不見他古人得大自在處他是脚踏實地無許多佛法知見道理臨時應用所謂法隨法行法幢隨處建立雪竇因風吹火傍指出箇半箇一箇兩箇千萬箇何不依而行之如歷似栗成群作隊作什麼脫却龍頭角獸從今日去應須灑灑落落還休得也未左轉右轉隨後來猶自放不下影影響響便打紫胡要打劉鐵磨山僧拗扭拄杖子更不行此令賊過後張弓便打嶮

雪竇直下如擊石火似閃電光撥出教教你看見所謂舉着便會始得也不妨是他屋裏兒孫方能恁麼道若能直下便恁麼會去不妨奇特一箇兩箇千萬箇脫却龍頭却角獸灑灑落不落生死所染不被聖凡情解所縛上無攀仰下絕已躬一如他香林雪竇相似何必只是千萬箇直得盡大地人悉皆如此前佛後佛也悉皆如此苟或於言句中作解會便似紫胡要打劉鐵磨相似其實纔舉杓聲便打紫胡參南泉與趙州來太蟲同參時劉鐵磨在潞山下卓庵諸方皆不奈何他一日紫胡得得去訪云莫便是劉鐵磨否磨云不敢胡云左轉右轉磨云和尚莫顛倒胡杓聲便打香林答這僧問如

何是祖師西來意却云坐久成勞若恁麼會得左轉右轉隨後來也且道雪竇如此頌出意作麼生無事好試請舉看

計舉肅宗皇帝本是代問忠國師百年後所須何物預

搖待禪果然起獲畫樣老老大大作這去就不可指

東作西國師云與老僧作箇無縫塔把不住帝曰請

師塔樣好與一答國師良久云會麼師因長智直得

指東劃西將南作北直得口似匾檐帝云不會賴道

不會當時更與一拶教伊滿口含霜却較此子國師

云吾有付法弟子即源却請此事請認問之賴值不

撥倒禪床何不與他本分草料莫捺胡人好汝過下

着國師遷化後可惜果然錯認定盤星帝曰源問

此意如何子承父業去也落在第二頭第三頭源云

湘之南潭之北也是把木住兩兩三三作什麼半開

半合雪竇著語云獨掌不浪鳴一音引衆直果然隨

語生解隨邪逐惡作什麼中有黃金充一國上是天

下是地無這箇消息是誰分上雪竇著語云山形

挂杖子拗折了也是起模畫樣無影樹下合同船

祖師喪了也闌梨道什麼雪竇著語云海晏河清洪

波浩渺白浪滔天猶較此子瑠璃殿上無知識咄雪

竇著語云拈了也賊過後張弓言猶在耳

肅宗代宗皆玄宗之子孫為太子時常愛參禪為國有

厚盜玄宗遂幸蜀唐本都長安爲安祿山僭據後都洛陽肅宗攝政是時忠國師在鄧州白崖山住庵舍香巖道場是也四十餘年不下山道行聞于帝里上元二年敕中使詔召內待以師禮甚敬重之嘗與帝演無上道師退朝帝自攀轡而送之朝臣皆有溫色欲奏其不便國師具他心通而先見聖奏曰我在天帝釋前見散粟天子如閃電光相似帝愈加敬重及代宗臨御復延止光宅寺十有六載隨機說法至大曆十年遷化山南府青銓山和尚昔與國師同行國師嘗奏帝令詔他三詔不起當置國師姓名愛利緣著人間國師於他父子三朝中爲國師他家父子一時參禪據傳燈錄此乃

是代宗設問若是問國師如何是十身調御此却是肅宗問也國師緣終將入涅槃乃與代宗代宗問曰國師百年後所須何物也只是平常下箇問端這老漢無風起浪却道與老僧造箇無縫塔且道白日青天如此作什麼做箇塔便了爲什麼却道做箇無縫塔代宗也不妨作家與你一拶道請師塔樣國師良久云會麼奇恠這此子最是難參大小大國師被他一拶直得口似匾檐然雖如此若不是這老漢幾乎弄倒了多少人道國師不言處便是塔樣若恁麼會達磨一宗掃地而盡若謂良久便是啞子也合會禪豈不見外道問佛不問有言不問無言世尊良久外道禮拜贊嘆曰世尊大慈大

悲開我迷雲。今我得入及外道去後。阿難問佛。外道有
何所證。而言得入世尊。云如世良馬。見鞭影而行。人多
向良父處。會有什麼色鼻。五祖先師拈云。前面是珍珠
瑪瑙。後面是瑪瑙珍珠。左邊是觀音。勢至。右邊是文殊
普賢。中間有箇樞子。被風吹着。道胡盧。胡盧。國師云。會
麼。帝曰。不會。却較些子。且道這箇不會。與武帝不識。是
同。是別。雖然。似則似。是則未。是國師云。吾有付法弟子
耽源。却請此事。請詔問。一雪竇拈云。獨掌不浪鳴。伏宗
不會。則且置。耽源還會麼。只消道箇。請師塔樣。盡大地
人不柰何。五祖先師拈云。你是一國之師。爲箇什麼不
道。却推與弟子。國師遷化後。帝詔耽源問。此意如何。源

便來爲國師。胡言漢語。說道理自然。會他國師說。只
消一頌。出齊時湘之南潭之北。中有黃金充一國。無
影樹下。合同船。瑠璃殿上。無知識。耽源名應真。真在國師
處。作侍者。後住吉州。耽源寺時。仰山來參。耽源源言。重
性惡。不可狃住。不得仰山先生。參性空禪師。有僧問性
空。如何是祖師。西來意。空云。如人在千尺井中。不假寸
繩。出得此人。即答汝西來意。僧云。近白湖南。暢和尚亦
爲之東語。西話。空乃喚沙彌。拽出這死屍着。沙彌山後
舉問耽源。如何出得井中人。耽源曰。咄。癡漢。誰在井中。
仰山不契。後問滂山。山乃呼惠寂。山應諾。滂云。出了也。
仰山因此大悟。云。我在耽源處。得體。滂山處。得用也。只

是這一箇頭子。引入邪解。不少人多錯會道相。是相見
譚是譚論。中間有箇無縫塔。所以道中有黃金充一國
帝與國師對客。便是無影樹下合同船。帝不會。遂道瑠
璃殿上無知識。又有底道相。是相州之南潭。是潭州之
北。中有黃金充一國。須官家。眼顧視云。這箇是無縫
塔。若恁麼會。不出情見。只如雪竇下四轉語。又作麼生
會。今人殊不知古人意。且道。湘之南潭。之北。你作麼生
會。中有黃金充一國。你作麼生會。無影樹下合同船。你
作麼生會。瑠璃殿上無知識。你作麼生會。若恁麼見得。
不妨慶快。平生湘之南潭。之北。雪竇道獨掌不浪鳴。不
得已。與你說中有黃金充一國。雪竇道山形拄杖子。古

人道識得拄杖子。一生參學事畢。無影樹下合同船。雪
竇道海晏河清。一時豁開戶牖。八面玲瓏。瑠璃殿上無
知識。雪竇道拈了也。一時與你說了。也不妨難見。見得
也好。只是有些子錯認處。隨語生解。至末後道拈了也。
却較些子。雪竇分明。一時下語了。後面單頌箇無縫塔
子。

無縫塔。這一縫。大小大道。什麼見。還難。非眼可見。瞎
澄潭。不許蒼龍蟠。見麼。洪波浩渺。蒼龍向什麼處蟠。這
裏直得摸索不著。層落落。莫眼花。眼花作什麼影團
團。通身是眼。落七落八。兩兩三三。舊路行。左轉右轉。
隨後來。千古萬古與人看。見麼。瞎漢作麼生看。闍黎

龍得見麼

雪竇當頭道無縫塔見還難雖然獨露無私則是隱見
時還難雪竇忒煞慈悲更向你道澄潭不許蒼龍蟠五
祖先師道雪竇頌古一冊我只愛他澄潭不許蒼龍蟠
一句猶較此子多少人去他國師良久處作活計若恁
麼會一時錯了也不見道即龍不與止水無處有月波
澄有處無風浪起又道即龍不與止水無處有月波
直饒洪波浩渺白浪滔天亦不在裏許蟠雪竇到此領
了後頭着此子眼目琢出一箇無縫塔隨後說道層落
落影團圓千古萬古與人看你作麼生看即今在什麼
處直饒你見得分明也莫錯認定盤星

垂示云一塵舉大地收一花開世界起只如塵未舉花
未開時如何着眼所以道如斬一綖絲一斬一切斬如
染一綖絲一染一切染只如今便將葛藤截斷運出自
已家珍高低普應前後無差各各現成儻或未然看取

下文

九舉俱抵和尚凡有所問有什麼消息鉅根阿師只豎
一指這老漢也要半斷天下人舌頭熱則普天普地
熱寒則普天普地寒換却天下人舌頭

若向指頭上會則辜負俱抵若不向指頭上會則生鐵
鑄就相似會也恁麼去不會也恁麼去高也恁麼去低
也恁麼去是也恁麼去非也恁麼去所以道一塵纔起

但龍
天龍
大龍

大地全收一花欲開世界便起一毛頭獅子百億毛頭
現圓明道寒則普天普地寒熱則普天普地熱山河大
地下徹黃泉萬象森羅上通霄漢且道是什麼物得恁
麼奇怪若也識得不消一捏若識不得礙塞殺人俱胝
和尚乃婺州金華人初住庵時有一尼名實際到庵直
入更不下笠持錫遶禪牀三匝云道得即下笠如是三
問俱胝無對尼便去俱胝曰平勢稍晚且留一宿尼曰
道得即宿胝又無對尼便行胝嘆曰我雖處丈夫之形
而無丈夫之氣遂發憤要明此事擬棄庵往諸方參請
打疊行脚其夜山神告曰不須離此來日有肉身菩薩
來爲和尚說法不須去果是次日天龍和尚到庵胝乃

迎禮具陳前事天龍只豎一指而示之俱胝忽然大悟
是他當時鄭重專注所以桶底易脫後來凡有所問只
豎一指長慶道美食不中飽人喫玄沙道我當時若見
拗折指頭玄覺云玄沙麼道意作麼生雲居錫云只如
玄沙恁麼道是肯伊是不肯伊若肯伊何言拗折指頭
若不肯伊俱胝過在什麼處先曹山云俱胝承當處莽
鹵只認得一機一境一種是拍手撫掌見他西園奇怪
玄覺又云且道俱胝還悟也未爲什麼承當處莽鹵若
是不悟又道平生只用一指頭禪不盡且道曹山意在
什麼處當時俱胝實然不會及乎到此語後凡有所問
只豎一指因什麼千人萬人羅籠不住後世不破你若

恁

分明
玄明

用作指頭會決定不見古人意這般禪家只是難會
如今人纔問着也豎指豎拳只是弄法也須知徹骨
徹髓見透始得俱胝庵中有一童子於外被人詰問
尚尋常以何法示人童子豎起指頭歸而舉似師俱胝
以刀斷其指童子叫喚走出俱胝召一聲童子回首俱
胝却豎起指頭童子豁然領解且道見箇什麼道理及
至遷化謂眾曰吾得天龍一指頭禪平生用不盡要會
麼豎起指頭便脫去後來明招獨眼龍問國泰深師叔
云古人道俱胝只念三行呪便得名超一切人作麼生
與他拈却三行呪深亦豎起一指頭招云不因今日爭
識得這箇州客且道意作麼生秘魔平生只用一指打

地和尚凡有所問只打地一下後被人藏却作捧地問
如何是佛他只張口亦是一生用不盡無業云祖師觀
此土有大乘根器唯單傳心印指示迷塗得之者不揀
愚之與智凡之與聖且多虛不如少實大丈夫漢即今
直下休歇去頓息萬緣去超生死流迥出常格縱有着
屬莊嚴不求自得無業一生凡有所問只道莫妄想所
以道一處透千處萬處一時透一機明千機萬機一時
明如今人總不恁麼只管恣意情解不會他古人省要
處他豈不是無機關轉換處爲什麼只用一指頭須知
俱胝到這裏有深密爲人處要會得省力麼還也圓明
道寒則普天普地寒熱則普天普地熱山河大地通上

孤危萬象森羅徹下嶮峻什麼處得一指頭禪來

對揚深愛老俱胝癩兒牽伴同道不知不免是一機

一境宇宙空來更有誰兩箇三箇更添一箇也須打

殺曾向滄溟下浮木全是這箇是則是太孤峻生破

草鞋有什麼用處夜濤相共接盲龜撈天摸地有什麼

麼了期接得堪作何用據令而行趨向無佛世界接

得闍梨一箇瞎漢

雪竇會四六文章七通八達凡是諸訛奇特公案偏愛
去須對揚深愛老俱胝字宙空來更有誰今時學者抑
揚古人或賓或主一問一答當面提持有如此爲人處
所以道對揚深愛老俱胝且道雪竇愛他作什麼自天

地開闢以來更有誰人只是老俱胝一箇若是別人須
參雜唯是俱胝老只用一指頭直至老死時人多邪解
道山河大地也空人也空法也空直饒字宙一時空來
只是俱胝老一箇且得沒交涉曾向滄溟下浮木如今
謂之生死海衆生在業海之中頭出頭沒不明自己無
有出期俱胝老垂慈接物於生死海中用一指頭接人
似下浮木接盲龜相似諸衆生得到彼岸夜濤相共
接盲龜經云如一眼之龜值浮木孔無沒溺之患
大善知識接得一箇如龍似虎底漢教他問有佛世界
否爲賓主無師世界半斷要津接得箇盲龜玃何用
垂示云堆山積嶽墮牆壁佇思停機一場苦處或有

箇漢出來掀翻大海踴倒須彌喝散白雲打破虛空直下向一機一境坐斷天下人舌頭無你近傍處上道從上來是什麼人曾恁麼試舉看

二舉龍牙問翠微如何是祖師西來意諸方舊語也要勘過微云與我過禪板來用禪板作什麼洎合放過嶮牙過禪板與翠微也是把不生駕與青龍不解騎可借許當面不承當微接得便打着打得箇死漢濟甚事也落在第二頭了也牙云打即任打要且無祖師西來意這漢話在第二頭賊過後張弓牙又問臨濟如何是祖師西來意諸方舊公案再問將來不直半分錢濟云與我過蒲團來曹溪波浪如相似無浪

平人被陳沆一狀領過一坑理却牙取蒲團過與臨濟依前把不住依前不伶俐依前越國勢髣髴揚州濟接得便打着可憎打這般死漢一摸脫出牙云打即任打要且無祖師西來意灼然在鬼窟裏作活計將謂得便宜賊過後張弓

翠微和尚云當時如是今時衲子皮下還有血麼為山詰云翠微臨濟可謂本分宗師龍牙一等是撥草瞻風不妨更後人作龜鑑住院後有僧問和尚當時還肯二尊宿麼牙云肯即肯只是無祖師西來意龍牙瞻前顧後應病與藥大為則不然待伊問和尚當時還肯二尊宿麼明不明譬者便打非惟扶豎翠微臨濟亦不辜

負來問石門聰云龍牙無人按着猶可被箇衲子挨着
失却一隻眼重寶云臨濟翠微只解把住不解放開我
當時如作龍牙待伊索蒲團禪板拈起劈面便擲五祖
戒云和尚得恁麼面長或云祖師土宿臨頭黃龍新云
龍牙驅耕夫之牛奪飢人之食既明則明矣因什麼却
無祖師西來意會麼捧頭有眼明如日要識真金裏
看大凡激揚要妙提唱宗乘向第一機下明得可以坐
斷天下人古頭儻或躊躇落在第二這老漢雖然打
風打雨驚天動地要且不曾打着箇明眼漢古人參禪
多少辛苦立大丈夫志氣經歷山川參見尊宿龍牙先
參翠微臨濟後參德山遂問學人仗鎧鎗劍擬取師頭

時如何德山引頸云因牙云師頭落也山微笑便休去
次到洞山洞山問近離甚處牙云德山來洞山云德山
有何言句牙遂舉前話洞山云他道什麼牙云他無語
洞山云莫道無語且試將德山落底頭呈似老僧看牙
於此有省遂焚香遙望德山禮拜懺悔德山聞云洞山
老漢不識好惡這漢死來多少時教得有什麼用處從
他擔老僧頭遶天下走龍牙根性聰敏擔下肚皮禪行
脚直向長安翠微便問如何是祖師西來意微云與我
過禪板牙取禪板與微微接得便打牙云打即任打
要且無祖師西來意又問臨濟如何是祖師西來意濟
云與我過蒲團牙取蒲團與臨濟濟接得便打牙云

打即住打要且無祖師西來意他致箇問端不妨要見
他曲录木床上老漢亦要明自己一段人事可謂言不
虛設機不亂發出在做工夫處不見五_五參石頭先自
約曰若一言相契即住不然即去石頭據座洩拂袖而
出石頭知是法契即垂開示洩不領其旨告辭而出至
門石頭呼之云聞黎洩回顧石頭云從生至死只是這
箇回頭轉腦更莫別求洩於言下大悟又麻谷持錫到
章敬進禪床三匝振錫而下卓然而立敬云是是又到
南泉後前進床振錫而立南泉云不是不是此是風力
所轉終成敗壞谷云章敬道是和尚爲什麼道不是南
泉云章敬即是汝不是古人也不妨要提持透脫此

一件事如今人纔問著全無此子用工夫處今日也只
是恁麼明白也只是恁麼你若只恁麼盡未來際也未
有了日須是抖擻精神始得有些分相應你看龍牙發
一問道如何是祖師西來意翠微云與我過禪板來牙
過與微微接得便打牙當時取禪板時豈不知翠微要
打他也不得便道他不曾爲什麼却過禪板與他且道
當機承當得時合作麼生他不向活水處用自去死水
裏作活計一向作主宰便道打即住打要且無祖師西
來意又去河北參臨濟依前恁麼問濟云與我過蒲
團來牙過與濟濟接得便打牙云打即住打要且無祖
師西來意且道二尊宿又不同法嗣爲什麼答處相似

用處一般須知古人一言一句不亂施爲他後來住院
有僧問云和尚當時見二尊宿是肯也不肯也牙云肯
則肯要且無祖師西來意爛泥裏有刺放過與之已落
第二這老漢把得定只做得洞下尊宿若是德山臨濟
門下須知別有生涯若是山僧則不然只向他道肯即
未肯要且無祖師西來意不見僧問大梅如何是祖師
西來意梅云西來無意鹽官問云一箇棺材兩箇死漢
玄沙聞云鹽官是作家雪竇道三箇也有只如這僧問
祖師西來意却向他道西來無意你若恁麼會隨着在無
事裏所以道須參活句莫參死句活句下薦得未期
不忘死句下薦得自救不了龍牙恁麼道不妨盡盡古

人道相續也大難他古人一言一句不亂施爲前後相
照有權有實有照有用賓主麻然互換縱橫若要辨其
親切龍牙雖不昧宗乘爭奈落在第二頭當時二尊宿
索禪板蒲團牙不可不知他意是他要用他曾禪裏事
雖然如是不妨用得大咬龍牙恁麼問二老恁麼答爲
什麼却無祖師西來意到這裏須知別有箇奇特處雪
竇拈出令人看

龍牙山裏龍無眼瞎謾別人即得泥裏洗土塊天下
人總知死水何曾振古風忽然漲時無奈何累及天
下人出頭不得禪板蒲團不能用教河誰說你要禪
板蒲團作什麼莫是分作閒柴麼只應分付與盧公

也則分付不著。漆描摹作這般見解。

雪竇據款結案。他雖恁麼頌。且道意在什麼處。甚處是無眼。甚處是死水。裏到這裏。須是有變通始得。所以道澄潭不許蒼龍蟠。死水何曾有獐龍。不見道死水不藏龍。若是活底龍。須向洪波浩渺白浪滔天處去。此言龍牙走入死水中去。被人打他却道打即任打。要且無祖師西來意。招得雪竇道死水何曾振古風。雖然如此。且道雪竇是扶搖伊。是滅他威光。人多錯會道爲什麼。只應分付與盧公。殊不知却是龍牙分付與人。大凡參請須是向機上辨別。方見他古人相見處。禪板蒲團不能用。翠微云。與我過禪板來。牙過與他。豈不是死水裏作

活計。分明是駕與青龍。只是他不解騎。是不能用也。只應分付與盧公。往往喚作木担。非也不曾分付與人。若道分付與人。要用打入却成箇什麼去。昔雪竇自呼爲盧公。他題晦迹自貽云。圖畫當年愛洞庭。波心七十二峰青。而今高卧思前事。添得盧公倚石屏。雪竇要出龍牙頭上行。又恐人錯會。所以別頌。要龍牙疑解。雪竇復拈云。

這老漢也未得勦絕。復成一頌。灼然能有幾人知。自知較一半。賴有末後句。盧公付了亦何患。盡大地是恁麼人。也難得教誰領。話坐倚休將。祖燈草裏盡打入黑山土。坐落在鬼窟裏去也。堪對暮雲歸未合。

一箇半箇。著即錯。果然出不得。遠山無限。碧層層。
舉却你眼。舉却你耳。沒溺深坑。更參三十年。

盧公付了。亦何憑。有何憑。據直須向這裏。恁麼會。更
莫守株待兔。觸體前。一時打破。無一點事。在曾中。放教
灑灑落落。地又何必。要憑。或坐或倚。不消作佛法道理。
所以道。坐倚休。將。繼祖燈。雪竇一時拈了也。他有箇轉
身處。末後自露箇消息。有此子。好處道。堪對暮雲歸未
合。且道。雪竇意在什麼處。暮雲歸欲合未合之時。你道
作麼生。遠山無限。碧層層。依舊打入鬼窟裏去。到這裏
得失是非。一時半斷。灑灑落落。始較此子。遠山無限。碧
層層。且道是文殊境界耶。是普賢境界耶。是觀音境界耶。

耶到此。且道是什麼人分上事。

佛果園悟禪師碧巖錄卷第二

